



შირაკი

SHIRAKI

www.opentext.ge

გამოცემის 1937 წლიდან

№37 (9.553)

5 ოქტომბერი 2012 წელი

ფასი: 50 თეთრი

ყოველკვირეული გამოცემა

„ქართული ოცნება“-ხელისუფლებაში, „ნაციონალური მოძრაობა“-ოპოზიციაში



„ამ არჩევნებში უპირატესობა მოიპოვა „ქართული ოცნების“ კოალიციამ. ეს ნიშნავს იმას, რომ საპარლამენტო უმრავლესობაში უნდა ჩამოაყალიბოს ახალი მთავრობა და მე, როგორც პრეზიდენტი, კონსტიტუციით განსაზღვრულ ფარგლებში ხელს შევეწყობ პარტიებს, რომ პარლამენტმა დაიწყოს მუშაობა და პარლამენტმა შექმნოს პარლამენტის თავმჯდომარის არჩევა და ასევე ახალი მთავრობის ჩამოყალიბება“

საქართველოში 1 ოქტომბრის საპარლამენტო არჩევნებმა ქვეყანაში ძირითადი ცვლილებები განაპირობა. არჩევნებში უპირატესობა „ქართული ოცნების“ კოალიციამ მოიპოვა, რის გამოც ახალმა პარლამენტმა ახალი მთავრობა უნდა ჩამოაყალიბოს. პრეზიდენტის განცხადებით, „ქართული ოცნების“ ლიდერებმა მისთვის მიუღებელია და „ნაციონალური მოძრაობა“ ოპოზიციაში გადადის.

„საპარლამენტო არჩევნების წინასწარი შედეგების დაჯამების შემდეგ, ამჟამად, რომ ამ არჩევნებში უპირატესობა მოიპოვა „ქართული ოცნების“ კოალიციამ. ეს ნიშნავს იმას, რომ საპარლამენტო უმრავლესობაში უნდა ჩამოაყალიბოს ახალი მთავრობა და მე, როგორც პრეზიდენტი, კონსტიტუციით განსაზღვრულ ფარგლებში ხელს შევეწყობ პარტიებს, რომ პარლამენტმა დაიწყოს მუშაობა და პარლამენტმა შექმნოს პარლამენტის თავმჯდომარის არჩევა და ასევე ახალი მთავრობის ჩამოყალიბება“, — განაცხადა საქართველოს პრეზიდენტმა მიხეილ

საკაშვილმა. „თქვენთვის კარგად არის ცნობილი, რომ ჩვენთვის, ჩემთვის, ფუნდამენტურად მიუღებელი იყო ამ კოალიციის შეხედულებები და არის. ჩვენს შორის არის ძალიან ღრმა განსხვავებები და ჩვენ მიგვაჩნია, რომ მათი შეხედულებები არის უკიდურესად მცდარი, მაგრამ დემოკრატია მუშაობს ისე, რომ ქართველი ხალხი უმრავლესობით იღებს გადაწყვეტილებას და ეს არის ის, რასაც ჩვენ, რა თქმა უნდა, ვცემთ ძალიან დიდი პატივს. ამავ დროს, როგორც „ნაციონალური მოძრაობის“ ლიდერმა მინდა ვთქვა, რომ „ნაციონალური მოძრაობა“ გადადის ოპოზიციაში. ბოლო 8 წლის მონაპოვრები ვარდების რევოლუციის, არის ძალიან მნიშვნელოვანი არა მხოლოდ საქართველოს ისტორიისთვის, ეს არის ერთ-ერთი ყველაზე მნიშვნელოვანი საქართველოს მრავალსაუკუნოვანი ისტორიის. ასევე, ამ მონაპოვარმა აქცია საქართველო დანარჩენი მსოფლიოსთვის ერთ-ერთ ძალიან საკვანძო ქვეყნად. ამიტომ, მე ღრმად ვარ დარწმუნებული, რომ საბო-

ლოო ვაშში როგორი საფრთხეებიც არ უნდა შეექმნათ ამ მონაპოვრებს, უახლოეს თვეებში ან წლებში, ჩვენ, როგორც ოპოზიციური ძალა ვიბრძობთ იმისათვის, რომ ყველაფერი, რაც შეიქმნა ბოლო წლებში, კორუფციასთან ბრძოლის კუთხით, დანაშაულთან ბრძოლის კუთხით, საქართველოს გათანამედროვების კუთხით, ახალი ინსტიტუტების მშენებლობის კუთხით, მაქსიმალურად დავიცვათ, შევუნახოთ შემდეგ თაობებს და შევძლოთ საქართველოს შემდეგი გაგრძელება ყველა კონსტიტუციური და პოლიტიკური პროცესების შედეგად. რა თქმა უნდა, მე პატივისცემას გამოვხატავ არჩევნებში მონაწილე უმრავლესობის გადაწყვეტილების მიმართ, მაგრამ ამავე დროს მე ვუბნები მაღლობას იმ დიდი რაოდენობით მხარდამჭერებს, რომელმაც მხარდაჭერა გამოხატა მთავრობის კურსის მიმართ, პრეზიდენტის კურსის მიმართ და მე დარწმუნებული ვარ, რომ პროგრესს, საქართველოს განვითარებას მომავალში ალტერნატივა მაინც არ ექნება და ჩვენ ყველანი გადავგრძელებთ ბრძოლას სწორედ ამ რწმენით, როგორც არ უნდა იყოს დღევანდელი დღის გამოწვევები“, — აღნიშნა პრეზიდენტმა.



„საპარლამენტო არჩევნების და ნატოს მიმართ სტრატეგიას არ შეცვლის. თავიდან კარგი და საინტერესო იქნება, უფრო ნაცნობ გახარება დავხვდებით. ზოგადად, ქართველი ზოგნებისთვის რუსულ გაზარს კარგად იცნობენ. მთავარი პრობლემა ისაა, რომ ქლიერი ადგილობრივი წარმოება არ გვაქვს. პირველ ყოვლისა, კულტურული და სპორტული ურთიერთობების კუთხით უნდა ვიფარდეთ, ვივადო კი მოვახდინოთ ფოკუსირება ტერიტორიულ მთლიანობაზე“

„საქართველო ევროკავშირისა და ნატოს მიმართ სტრატეგიას არ შეცვლის“-ეს განცხადება კოალიცია „ქართული ოცნების“ ლიდერმა „ევრონიუსთან“ საუბრისას გააკეთა. ტელეკომპანია რუსეთთან საქართველოს სავაჭრო-პოლიტიკური ურთიერთობებითა და ნატოში ინტეგრაციით დაინტერესდა. როგორც ივანიშვილმა განაცხადა, ქართული ბიზნესი ჯერ მზად არ არის იმისთვის, რომ აშშ-სა და ევროპის ბაზრებზე პროდუქციის ექსპორტი მოახდინოს. „ასე რომ, თავიდან კარგი და საინტერესო იქნება, უფრო ნაცნობ ბაზარზე დავბრუნდეთ. ზოგადად, ქართველი ბიზნესმენები რუსულ ბაზარს კარგად იცნობენ. მთავარი პრობლემა ისაა, რომ ქლიერი ადგილობრივი წარმოება არ გვაქვს“. იგი მიიჩნევს, რომ რუსეთთან ურთიერთობის ნორმალიზება იოლი საქმე არ იქნება და დიდი დრო დასჭირდება. „პირველ ყოვლისა, კულტურული და სავაჭრო ურთიერთობების კუთხით უნდა ვიმუშაოთ, შემდეგ კი მოვახდინოთ ფოკუსირება

ტერიტორიულ მთლიანობაზე“-ასე ჩამოაყალიბა ბიძინა ივანიშვილმა საკუთარი ხედვა და სამომავლო გეგმა. საპარლამენტო არჩევნები დადებითად შეაფასეს უცხოელმა დამკვეთებმა და დიპლომატიური კორპუსის წარმომადგენლებმა. მათ ერთხმად აღნიშნეს, რომ საქართველოში პირველად მოხდა ხელისუფლების გადაბარება არა რევოლუციური, არამედ არჩევნების გზით. ივანიშვილის განცხადებით, რამდენიმე დღეში უკვე ცნობილი გახდება ახალი მთავრობის წევრების ვინაობა. რაც შეეხება მთავრობის გადაბარების პროცესს, საზოგადოების წარმომადგენლებისა და ექსპერტთა შეფასებით, ეს პროცესი რაც შეიძლება მოკლე ხანში უნდა მოგვარდეს და აღარ უნდა მოხდეს მისი დროში გაწევა. საქართველოს მე-8 მოწვევის პარლამენტის პირველი სხდომა, კონსტიტუციის თანახმად, არჩევნებიდან 20 დღის განმავლობაში უნდა გაიმართოს. კანონის თანახმად, მთავრობის ახალ შემადგენლობას ნდობას საკა-

ნონმდებლო ორგანო გამოუცხადებს, რომელსაც პრეზიდენტი ფრაქციებთან შეთანხმებით წარადგენს. პრეზიდენტი დეპუტატებს პრემიერ-მინისტრს წარუდგენს, რომელიც, პრეზიდენტთან შეთანხმებით, პარლამენტს მინისტრთა კაბინეტის ახალ შემადგენლობას წარუდგენს. პარლამენტმა მთავრობის შემადგენლობა ერთი კვირის ვადაში უნდა დაამტკიცოს. კონსტიტუციაში შესული ერთ-ერთი ბოლო ცვლილებით, ცენტრალური საარჩევნო კომისიის მიერ საპარლამენტო არჩევნების შედეგების შემოწმების შემდეგ, ქალაქის გამომწვევების დღიდანვე, ქალაქში შედის საკონსტიტუციო მუხლი, რომლის თანახმად, საქართველოს პარლამენტის ადგილსამყოფელად ქალაქი ქუთაისი განსაზღვრულია. ასევე, ერთ-ერთი ცვლილებით, პარლამენტის ადგილსამყოფელის დროებით შეცვლა მხოლოდ საგანგებო და საომარი მდგომარეობის დროს არის დასაშვები. მასალა მოამზადა ინგა შილაშვილმა

ვის ერგება მაქორიტარის მანდატი ჰარლამენტში?

მმ. 5

ქორების ტბის რეაბილიტაცია, სავარაუდოდ, არ შეჩერდება

მმ. 5

სკოლა, ოჯახი, საზოგადოება

მმ. 4

ყველაზე სანდო წყარო დედოფლისწყაროში მიწოდება მოწოდებულია

შეასახლ!

- ახალი ინფორმაცია
- საპარტოლაბრივი აქტუალი
- აუქსიონი
- ტანდარი - ყველაფერი მხოლოდ რვენთან!

ის, რასაც სხვაბან ვერ ნაიქითხავთ!

www.dedoplitskaro.ge

პრეზიდენტმა „ქართულ ოცნებასთან“ დიალოგისთვის სამუშაო ჯგუფი შექმნა

პრეზიდენტმა „ქართულ ოცნებასთან“ დიალოგისთვის სამუშაო ჯგუფი შექმნა. როგორც უშიშროების საბჭოს მდივანმა გიგა ბოკერიაძემ ჟურნალისტებთან შეხვედრისას განაცხადა, „ნაციონალური მოძრაობის“ მხრიდან დიალოგს „ქართულ ოცნებასთან“ დავით ბაქრაძე, გიგი უგულავა, პალიკო კუბლაშვილი და გიგა ბოკერია აწარმოებენ.

„მოგესხნებათ საქართველოს პრეზიდენტმა გამოთქვანება საპარლამენტო არჩევნებში ოპოზიციის გამარჯვების შემდეგ ყველა პროცესი წარმართოს კონსტიტუციის ფარგლებში. ამ ამოცანის შესასრულებლად რა თქმა უნდა საჭიროა დიალოგი არჩევნებში გამარჯვებული პოლიტიკური ძალის წარმომადგენელსა და ჩვენი პოლიტიკური გუნდის წარმომადგენლებს შორის. ჩვენი პოლიტიკური გუნდის მხრიდან ამ დიალოგში მონაწილეობას მიიღებს პარლამენტის თავმჯდომარე დავით ბაქრაძე, ქალაქის მერი გიგი უგულავა, პარლამენტის იურიდიული კომიტეტის თავმჯდომარე პავლე კუბლაშვილი, და მე. იმედია ეს დიალოგი დაიწყება უახლოეს მომავალში და საზოგადოება იქნება ინფორმირებული მისი დაწყების თაობაზე“ - აღნიშნა ბოკერია.

ეუთო და ევროსაბჭო: ამ არჩევნებით საქართველომ დემოკრატიის ტესტი ჩააბარა

საქართველომ საპარლამენტო არჩევნებით დემოკრატიის ტესტი ჩააბარა, - ამის შესახებ ეუთო-სა და ევროსაბჭოს დელეგაციის წევრებმა ერთობლივ პრეს-კონფერენციაზე განაცხადეს.

დაკვირვების წინასწარი შედეგების შეჯამებისას ეუთო-სა და ევროსაბჭოს ასამბლეის პრეზიდენტმა ტონინო პიცულამ და ევროსაბჭოს დელეგაციის წარმომადგენელმა ლუკა ვოლონტემ პირველი ოქტომბრის საპარლამენტო არჩევნებს წარმატებით ჩაბარებული ტესტი უწოდეს და აღნიშნეს, რომ გამჭვირვალედ ჩატარებული არჩევნები ქვეყნის დემოკრატიული განვითარებისთვის დიდი წინ გადადგმული ნაბიჯია.

აშშ-ს ელჩი: ახალ მთავრობასთან ურთიერთობაში ძირეული ცვლილებები არ იქნება

ამერიკის შეერთებული შტატების ელჩი საქართველოში რიჩარდ ნორლანდი საგარეო უწყებაში დახურულ კარს მიღმა საქართველოს საგარეო საქმეთა მინისტრს შეხვდა. როგორც ელჩი აცხადებდა, საქართველოსა და ამერიკის შორის ურთიერთობები ახალ მთავრობასთანაც გაგრძელდება.

„შეხვედრაზე ვისაუბრეთ ამერიკა-საქართველოს ურთიერთობებზე. ამერიკა მომავალშიც გააგრძელებს საქართველოსთან ურთიერთობას. არ ვფიქრობ, რომ რაიმე ძირეულად შეიცვლება, ამ თემაზე საუბარი ბატონ ივანიშვილთანაც მქონდა. ვიცით, რომ ჯერ კიდევ მიმდინარეობს ხმათა გადათავსება. გუშინ სახელმწიფო მდივანმა ჰილარი კლინტონმა განაცხადა, რომ ჩატარებული არჩევნების მიხედვით ხელისუფლების ცვლა, ეს არის კიდევ ერთი დემოკრატიული ნაბიჯი, რომელიც საქართველომ გადადგა“, - განაცხადა რიჩარდ ნორლანდმა შეხვედრის დასრულების შემდეგ.

ჭილარი კლინტონმა ბიძინა ივანიშვილს გამარჯვება მიულოცა

ამერიკის სახელმწიფო მდივან ჰილარი კლინტონსა და „ქართული ოცნების“ ლიდერ ბიძინა ივანიშვილს შორის სატელეფონო საუბარი შედგა.

„ქართული ოცნების“ ინფორმაციით, სახელმწიფო მდივანმა ბიძინა ივანიშვილს და მის გუნდს საპარლამენტო არჩევნებში გამარჯვება მიულოცა.

„ჰილარი კლინტონმა და ბიძინა ივანიშვილმა საუბრისას ხაზი გაუსვეს შეერთებული შტატებისა და საქართველოს სტრატეგიული პარტნიორობის მნიშვნელობას. ისაუბრეს ამერიკის შეერთებული შტატებისა და საქართველოს შემდგომ თანამშრომლობაზე. ჰილარი კლინტონმა მადლობა გადაუხადა ბიძინა ივანიშვილს მისი მისწრაფებისთვის, კიდევ უფრო გაღრმავდეს ორ ქვეყანას შორის ურთიერთობა. თავის მხრივ, ბიძინა ივანიშვილმა აღნიშნა შეერთებული შტატების მნიშვნელოვანი წვლილი საქართველოს დემოკრატიულ განვითარებაში“.

სატელეფონო საუბარი მიხელო სააკაშვილსა და აშშ-ის სახელმწიფო მდივანს შორისაც შედგა. საქართველოს პრეზიდენტის ადმინისტრაციის ინფორმაციით, საუბარი ჰილარი კლინტონის ინიციატივით შედგა. სახელმწიფო მდივანი ქვეყანაში მიმდინარე მოვლენებითა და საარჩევნო კომისიებზე არსებული ზენონი ფაქტებით დაინტერესდა.

ამასთან, ივანიშვილმა ამერიკის შეერთებული შტატების ელჩი საქართველოში რიჩარდ ნორლანდი და სენატორები ჯონ შაფინი და ჯეიმს რიში მილო. სტუმრებმა ბლოკ „ბიძინა ივანიშვილი - ქართული ოცნების“ ლიდერს არჩევნებში წარმატება მიულოცეს.

„ჩვენ აქ ბატონ ბიძინასთან შესახვედრად მოვედით და გვინდოდა, რომ მისთვის „ქართული ოცნების“ წარმატება მიგლოცა“- განაცხადა სენატორმა ჯონ შაპინმა. სენატორმა ჯეიმს რიშმა კი იმედი გამოთქვა, რომ ამერიკა - საქართველოს შორის არსებული მეგობრული ურთიერთობა, კიდევ უფრო გაღრმავდება და გაძლიერდება.

ბიძინა ივანიშვილი - ეველა მინისტრი შეიცვლება... უფრო ქვევით არ ვაპირებთ

„ქართული ოცნების“ ლიდერი ბიძინა ივანიშვილი ახალი მთავრობის შემადგენლობას 8 ოქტომბერს, ორშაბათს დაასახელებს. „ყველა მინისტრი შეიცვლება, მოადგილეები შეიძლება ბევრი დარჩეს, უფრო ქვევით არ ვაპირებთ წასვლას, თუ არ არის სპეციალური შემთხვევა. რაც შეეხება საჯარო მოხელეებს, ყველა შეინარჩუნებს თანამდებობას“, - განაცხადა ივანიშვილმა.

მისივე თქმით, ზვალ და ზეგ მინისტრთა კაბინეტის პროექტს ის თავისი გუნდის წევრებს გააცნობს. „პროექტი ნაწილობრივ ალბათ შეიცვლება, რადგან მართო არ ვიღებ ხოლმე გადაწყვეტილებებს“, - განაცხადა ივანიშვილმა და იქვე განმარტა, რომ ის ხელისუფლებაში ვინმეს დასასჯელად არ მოსულა.

კოალიციის ლიდერის განცხადებით, შრომის კოდექსი გადასახედა, რაშიც ბიზნესმენებმაც უნდა მიიღონ მონაწილეობა, რათა ქართული შრომის კოდექსი დაიხვეწოს და ქართული ბიზნესი განვითარდეს და ფეხზე დადგეს.

„ერთიანი ნაციონალური მოძრაობის“ სიის პირველი ნომრის დავით ბაქრაძის განცხადებით, პოლიტიკური თანამდებობების პირებს ყოველთვის ეხებათ ხელისუფლების შეცვლა. „რაც შეეხება მოხელეებს, მე იმედი მაქვს, რომ „ქართული ოცნება“ შეინარჩუნებს ჩვენი სამოხელეო აპარატის იმ ნაწილს, რომელიც წლების მანძილზე ჩამოყალიბდა როგორც პროფესიონალად და თავისი საქმის ცოდნედ. მე ვფიქრობ, რომ ეს არის ქვეყნის ინტერესიც, ახალი ხელისუფლების ინტერესიც, საზოგადოების ინტერესიც, რომ იყოს რალაც სტაბილურობა და ადამიანები, ვინც წლების მანძილზე აკეთებდნენ თავის საქმეს, დარჩნენ საკუთარ პოზიციებზე“, - აღნიშნა ბაქრაძემ.

შეგახსენებთ, ცენტრალურმა საარჩევნო კომისიამ 2012 წლის 1 ოქტომბრის პარლამენტის არჩევნების წინასწარი შედეგების შეჯამება დაასრულა. ცესკოს პრესსპიკერის ეკა აზარაშვილის განცხადებით, 3 766 უზნიდან დათვლილია ყველა უზნის მონაცემი. მისივე თქმით, ცვლილებები შეიძლება მოხდეს მხოლოდ გასაჩივრების პროცედურების შედეგად, თუმცა რაიმე სახის მნიშვნელოვანი ცვლილება ნაკლებად სავარაუდოა.

„ნაციონალური მოძრაობა“ ზარღამენტში ჰრინციანებს დაიცავს

ნაციონალური მოძრაობა პატივს სცემს მოსახლეობის არჩევანს და მიუხედავად იმისა, რომ მათ ხელში გარკვეული პოლიტიკური ბერკეტები არსებობს, ქვეყანაში კრიზისის შექმნას არ გეგმავენ, - განაცხადა დავით ბაქრაძემ „ნაციონალური მოძრაობის“ ცენტრალურ ოფისში გამართული პრივიტის შემდეგ ჟურნალისტებთან.

ბაქრაძემ აღნიშნა, რომ პარტია აღიარებს არჩევნებში დამარცხებას, შევა პარლამენტში და იქ გააგრძელებს მუშაობას, როგორც ოპოზიციური ძალა. მისი განცხადებით, „ნაციონალური მოძრაობა“ არ უღალატებს თავის პრინციპებს და პარლამენტში, როგორც ოპოზიციური ძალა, შეეცდება საკუთარი პოზიციების დაცვას. მან მადლობა გადაუხადა ამომრჩეველს, რომელმაც მხარი „ნაციონალურ მოძრაობას“ დაუჭირა.

როგორც „ნაციონალური მოძრაობის“ წევრები ამბობენ, მათი და კოალიცია „ქართული ოცნების“ ხედვებში ფუნდამენტური განსხვავებაა და პარლამენტში დაიცავენ იმ პრინციპებს და ღირებულებებს, რომელიც „ნაციონალურ მოძრაობას“ გააჩნია.

რუსეთი საქართველოსთან ურთიერთობის დალაგების იმედს გამოთქვამს

საქართველოს საპარლამენტო არჩევნებში დაფიქსირებულ შედეგებს, რომელსაც უახლოეს მომავალში მთავრობის შეცვლა მოჰყვება, რუსეთის საგარეო საქმეთა სამინისტროს ოფიციალური წარმომადგენელი ალექსანდრე ლუკაშევიჩი ეხმაურება.

ლუკაშევიჩის თქმით, მოსკოვი იმედოვნებს, რომ ეს არჩევნები კონსტრუქციულ ცვლილებებს გამოიწვევს და ორმხრივ ურთიერთობებს ყველა სფეროში ნორმალისაციის შესაძლებლობას მისცემს.

„სხვათა შორის, მე მინდა შეგახსენოთ, რომ რუსეთი არ ყოფილა ქვეყნებს შორის დიპლომატიური ურთიერთობების შეწყვეტის ინიციატორი. ეს მიხელო სააკაშვილი იყო. სწორედ ამიტომ ჩვენ ვიმედოვნებთ, რომ საპარლამენტო არჩევნები პოზიტიურ გავლენას მოახდენს არამხოლოდ ორმხრივ ურთიერთობებზე, არამედ მთლიანად სამხრეთ კავკასიაში სიტუაციის ნორმალიზებაზე. ჩვენ მივიწყლებთ არა ქართველი პოლიტიკოსების განცხადებებს, არამედ მათ მიერ გადადგმულ ნაბიჯებს. რუსეთს მისი ისტორიის განმავლობაში ქართველ ხალხთან ყოველთვის კარგი ურთიერთობა ჰქონდა“, - ნათქვამია ლუკაშევიჩის განცხადებით.

შეგახსენებთ, რომ არჩევნების შედეგად საპარლამენტო უმრავლესობა „ქართულმა ოცნებამ“ მოპოვა და სამთავრობო კაბინეტის დაკომპლექტების უფლება მიიღო.

ცესკო-მ ზარღამენტის არჩევნების წინასწარი შედეგების შეჯამება დაასრულა

ცენტრალურმა საარჩევნო კომისიამ 2012 წლის 1 ოქტომბრის პარლამენტის არჩევნების წინასწარი შედეგების შეჯამება დაასრულა. ცესკოს პრესსპიკერის ეკა აზარაშვილის განცხადებით, 3 766 უზნიდან დათვლილია ყველა უზნის მონაცემი. მისივე თქმით, ცვლილებები შეიძლება მოხდეს მხოლოდ გასაჩივრების პროცედურების შედეგად, თუმცა რაიმე სახის მნიშვნელოვანი ცვლილება ნაკლებად სავარაუდოა.

5 ოქტომბრის მდგომარეობით მონაცემები შემდეგია: „ბიძინა ივანიშვილი - ქართული ოცნება“ - მიღებული ხმების რაოდენობაა 1,184,588, რაც შეადგენს საერთო რაოდენობის 54.9 %-ს.

„ერთიანი ნაციონალური მოძრაობა - მეტი სარგებელი ხალხს“ - მიღებული ხმების რაოდენობაა 872,336, რაც შეადგენს საერთო რაოდენობის 40.4 %-ს;

დანარჩენი საარჩევნო სუბიექტების შედეგები მნიშვნელოვნად ჩამორჩება 5%-იან მაჩვენებელს.

„ალსანიშნავია, რომ საარჩევნო ადმინისტრაციას დარჩენილ პერიოდში ჩასატარებელი აქვს კანონმდებლობით გათვალისწინებული პროცედურები, რათა შეიქმნას დოკუმენტი, რომელიც იქნება ძალაუფლების განაწილების იურიდიული საფუძველი. დღეისათვის მიმდინარეობს საჩივრების განხილვის ეტაპი, რომლის ობიექტურად და გამჭვირვალედ ჩატარება უაღრესად მნიშვნელოვანია. ჩვენ ყურადღებით ვსწავლობთ საჩივრების სახით შემოსულ და მედიაში გავრცელებულ ყველა ინფორმაციას შესაძლო დარღვევებთან დაკავშირებით. აქედან გამომდინარე, მოვუწოდებთ დაინტერესებულ მხარეებს, განსაკუთრებით კი მედიას, თავი შეიკავონ წინასწარი დასკვნებისა და საარჩევნო ადმინისტრაციის მიზანმიმართული დისკრედიტაციისგან“ - განუცხადა ჟურნალისტებს ეკა აზარაშვილმა.

თამაზ თამაზაშვილს რამდენიმე დღეში გაათავისუფლებენ

კახეთის პოლიციის ყოფილ უფროსს თამაზ თამაზაშვილს, რომელსაც 3 წლითა და 6 თვით თავისუფლების აღკვეთა აქვს შეფარებული, რამდენიმე დღეში გაათავისუფლებენ. ამ ინფორმაციას თამაზაშვილის ოჯახის წევრებიც ადასტურებენ.

„ქართული ოცნების“ ლიდერმა ბიძინა ივანიშვილმა არჩევნების მეორე დღეს, 2 ოქტომბერს, ხელისუფლებას თხოვნი მიმართა, რომ „ქართული ოცნების“ მხარდამჭერები, მათ შორის ირაკლი ლარიბაშვილის სიმამრი, თამაზ თამაზაშვილი, რომელიც პოლიტიკური მიზნით არის დაკავებული, კანონიერი გზით გაათავისუფლოს. კოალიციის რამდენიმე აქტივისტი უკვე გაათავისუფლეს.

თამაზ თამაზაშვილს, რომელიც ბიძინა ივანიშვილის პარტიის ერთ-ერთი დამფუძნებლის ირაკლი ლარიბაშვილის სიმამრი და კოალიციიდან დედოფლისწყაროს მაჟორიტარობის კანდიდატის ალექსანდრე თამაზაშვილის მამაა, თბილისის საქალაქო სასამართლომ სასჯელის სახით 3 წლითა და 6 თვით პატიმრობა მიმდინარე წლის აპრილში მიუსაჯა.

პროკურატურა თამაზ თამაზაშვილს სისხლის სამართლის კოდექსის 236-ე მუხლის I და II ნაწილით გათვალისწინებული დანაშაულის ჩადენაში ადანაშაულებდა, რაც ცეცხლსასროლი იარაღის მართლსაწინააღმდეგოდ შექმნა შენახვას და ტარებას ითვალისწინებს.

თამაზ თამაზაშვილი სამართალდამცავებმა 2011 წლის 11 ოქტომბერს დააკავეს. თამაზ თამაზაშვილი დანაშაულს არ აღიარებს. 2011 წლის 11 ნოემბერს, დედოფლისწყაროს რაიონის სოფელ ლენინოვკაში თამაზ თამაზაშვილის სახლი დაინვა. სახლს ხანძარი გაურკვეველ ვითარებაში გაუჩნდა, მეხანძრეები კი შემთხვევის ადგილზე 1 საათის დაგვიანებით მივიდნენ.

„ქართული ოცნება“ სახელმწიფო უწყებებში საკუთარ წარმომადგენლებს მიაუღებს

კოალიცია „ქართული ოცნება“ 8 ოქტომბრიდან ყველა სახელმწიფო უწყებაში საკუთარ წარმომადგენლებს მიაუღებს. ამის შესახებ „ქართული ოცნების“ სამუშაო ჯგუფის წევრმა დავით უსუფაშვილმა მთავრობის კანცელარიაში, მოქმედი ხელისუფლების წარმომადგენლებთან კონსულტაციების შემდეგ ჟურნალისტებს განუცხადა.

„გარდა ამისა, თავიდან რომ ავიცილოთ შეფერხებები საერთაშორისო ურთიერთობებსა და საზოგადოებრივი ნუსრივის დაცვაში, აუცილებელია, ჩვენი წარმომადგენლები თანდათან გაეცნონ სამინისტროებისა და სხვადასხვა უწყების მუშაობის სპეციფიკას. ჩვენ ასევე ჩავერთებთ თუნდების მოლაპარაკებებში და წარმომადგენელს მივავლენთ ყველა სტრუქტურაში, მათ შორის - ძალოვან უწყებაში“, - აღნიშნა დავით უსუფაშვილმა.

ვის ერგება მაჟორიტარის მანდატი პარლამენტში?

4 ოქტომბერს დედოფლისწყაროს საოლქო-საარჩევნო კომისიის სხდომა საპროტესტო აქციის ფონზე დაძაბულ ვითარებაში მიმდინარეობდა. კომისიამ კოალიცია „ქართული ოცნების“ და დამკვირვებლების 8 საჩივრიდან არცერთი არ დააკმაყოფილა. კოალიცია რამდენიმე საარჩევნო უბნის, მათ შორის 22-ე ხორნაბუჯის და მე-18 საბათლოს საარჩევნო უბნების შედეგების ბათილად ცნობას ითხოვდა. ხმების დაცვას კომისიის გარეთ შეკრებილი მოსახლეობაც შეძახილებით ცდილობდა. აქციას ადგილობრივი სასულიერო პირებიც შეუერთდნენ.

„ქართული ოცნების“ დედოფლისწყაროს შტაბში ამომრჩევლებს საკუთარი ხმების დაცვისკენ და ერთად დგომისკენ მოუწოდებდა. „ქართული ოცნების“ წარმომადგენლის ლია კვაჭაძის განცხადებით, 22-ე ხორნაბუჯის საარჩევნო უბანზე არჩევნები დარღვევებით ჩატარდა. მთელი დღის განმავლობაში ამომრჩევლებს კენჭისყრის კაბინაში ერთიანი გეგმა ამომრჩეველი მიჰყვებოდა და ბიულეტენში საარჩევნო ნომრებს ის ხაზავდა. საოლქო კომისიამ საჩივარი მაინც არ დააკმაყოფილა.

კომისიის თავმჯდომარის დავით ბუჩუკურის განცხადებით, უმჯობესია თუ საკითხს სასამართლო განიხილავს და გადაწყვეტილებას ის მიიღებს. რაც შეეხება საბათლოს საარჩევნო უბანს, „ქართული ოცნების“ საჩივრის თანახმად, აღნიშნულ უბანზე ამომრჩეველთა სამაგიერო სიაში გაკეთებული ხელმოწერების რაოდენობა გაციემული ბიულეტენების რაოდენობას არ ემთხვევა.

ამასთან, დედოფლისწყაროს საოლქო-საარჩევნო კომისიამ 4 ოქტომბრის სხდომაზე დედოფლისწყაროს №19-ე უბნის თავმჯდომარე გიორგი რობიტაშვილი 2 000 ლარით დააჯარიმა.

თავმჯდომარის დაჯარიმების საფუძველი საპარლამენტო არჩევნების შემდგამელები ოქმი გახდა, რომელშიც მონაცემები გადასწორებული იყო.

ოპოზიცია უბნის შედეგების ბათილად ცნობას ითხოვდა, თუმცა საჩივრის განხილვის

შემდეგ კომისიამ რობიტაშვილის დაჯარიმების გადაწყვეტილება მიიღო.

ეს ერთადერთი საჩივარი იყო, რომელიც დედოფლისწყაროს საოლქო კომისიამ საჩივრების განხილვის შედეგად გამოიტანა.

სოფელ საბათლოს 18-ე საარჩევნო უბნის დამკვირვებელი იგორ იანვარაშვილი გაზეთ „შირაქთან“ საუბრისას დედოფლისწყაროს რამდენიმე საჯარო მოხელეს და „ნაციონალური მოძრაობის“ აქტიურ წევრს ამომრჩეველთა ზენოლაში და მათთვის არჩევანის თავისუფლად გამოხატვის შეზღუდვაში ადანაშაულებს.

მისი თქმით, უბანი სულ ერთი საათით მაშინ დატოვა, როცა ამომრჩეველთა დიდმა ნაწილმა ხმა უკვე განახორციელა და უბანზე მხოლოდ სამხედრო მოსამსახურეებს ელოდნენ. უკან დაბრუნებულს კი ამომრჩეველთა რიცხვი კიდევ 120-ზე მეტი ერთეულით გაზრდილი დახვდა.

არჩევნების შემდეგ დედოფლისწყაროს მუნიციპალიტეტის სოფელ საბათლოში შედევით უკმაყოფილო ივანიშვილის მხარდამჭერები მოსახლეობასა და სოფლის ხელისუფლებაზე ზენოლას ცდილობდნენ.

საბათლოს მაცხოვრებლებმა განაცხადეს, რომ „ქართული ოცნების“ შტაბიდან ჩასული აქტივისტები სოფელ საბათლოს რწმუნებულს არტაკ აივაზიანს კაბინეტის დაცვას აიძულებდნენ და აცხადებდნენ, რომ ამერიიდან რწმუნებული მათ უნდა დანიშნონ. მოსახლეობა სხვა სახის ზენოლებზეც საუბრობს.

„კამერების და ჟურნალისტების თანხლებით დადიან და ცდილობენ, მოსახლეობის კომენტარი მოიპოვონ, სადაც ამომრჩეველი იტყვის, რომ თითქოს ნაციონალურ მოძრაობას ხმა ზენოლის შედეგად მისცა. მანქანებით დარბიან და სოფელში არეულობა შემოაქვთ. კომისიის წევრებს, აგიტატორებს და მოქალაქეებს იბარებენ... წარმოიდგინეთ, სოფლის რწმუნებულს უთხრეს, აღარ ხარ სოფლის რწმუნებულიო. ძალიან ცუდი სიტუაციაა საბათლოში,“ — აცხადებენ საბათლოს მაცხოვრებლები.

ეს ინფორმაცია „ერთიანი ნაციონალური მოძრაობის“ დედოფლისწყაროს შტაბშიც დაადასტურეს. მათი თქმით, სოფელში არსებულ ამგვარ ვითარებაზე ინფორმაციას ფლობენ.

„ქართული ოცნების“ დედოფლისწყაროს შტაბი მათი მხრიდან სოფელ საბათლოში რწმუნებულსა და მოსახლეობაზე განხორციელებულ ზენოლის ფაქტებზე გავრცელებულ ინფორმაციას ეხმაურება. გაზეთ „შირაქთან“ ექსკლუზიური კომენტარი ლია კვაჭაძემ გააკეთა. მისი თქმით, სოფელ საბათლოში პირადად იმყოფებოდა და იქ მცხოვრები მოსახლეობა გამოცოცხლებულია.

„უსინდისოდ ტყუიანი ნაციონალები, როგორც ყოველთვის ვეღარ გაიგეს, რომ ძალადობით და მუქარით ვერაფერს მიაღწევენ. გუშინ მე თვითონ ვიყავი საბათლოში ჩასული და გაცოცხლებული და ვიყავი, როგორ გამოცოცხლებულანი! მომავლის იმედი აქეთ ჩასახული, გამიხარდა, რომ ხალხი შიშის კომპლექსისგან გათავისუფლებულია, გულწრფელად გვიყვებოდნენ, როგორ ემუქრებოდით სოფლის რწმუნებული და ნაციონალების სხვა აქტივისტები, რომ თუ ხუთიანებს არ შემოხაზავდნენ, მათ ან მათ ახლობლებს სამსახურებიდან გაათავისუფლებდნენ და პრობლემებს შეუქმნიდნენ. საბათლოელები გამოხატავენ პროტესტს არჩევნების ძალადობით ჩატარების გამო, ითხოვენ შედეგების გაუქმებას და ხელახალი არჩევნების ჩატარებას,“ — განაცხადა „ქართული ოცნების“ დედოფლისწყაროს შტაბის ერთ-ერთმა ხელმძღვანელმა ლია კვაჭაძემ.

შეგახსენებთ, ამ ზენოლის ფაქტებზე კომენტარი თბილისში ნაციონალური მოძრაობის პრესსპიკერმა ჩიორა თაქთაქიშვილმაც გააკეთა. თაქთაქიშვილის განცხადებით, „ქართული ოცნების“ სამი წარმომადგენელი ზენოლას ახორციელებს დედოფლისწყაროში სოფელ საბათლოს რწმუნებულზე.

„საბათლოს რწმუნებულს ეუბნებიან, რომ ის მხოლოდ იმ შემთხვევაში შეინარჩუნებს თანამდებობას, თუ აღიარებს, რომ არჩევნებს თავად აყალ-



ბებდა“, — განაცხადა თაქთაქიშვილმა.

არასამთავრობო ორგანიზაციათა კოალიცია „არჩევანის თავისუფლებისთვის“ წარმომადგენლის მაგდა პოპიაშვილის განმარტებით, დედოფლისწყაროს საარჩევნო ოლქის საბათლოს №18-ე საარჩევნო უბნის შედეგები სერიოზულად პრობლემური საკითხია.

„ეს უბანი სერიოზულად პრობლემურია. დაფიქსირებული შედეგები ასე ვერ დარჩება... დედოფლისწყაროში ამ უბანმა გადაწყვიტა მაჟორიტარი კანდიდატის ბედი. არადა, როგორც ჩემთვის არის ცნობილი, სოფელ საბათლოში ბევრი დარღვევაა დაფიქსირებული,“ — განაცხადა მაგდა პოპიაშვილმა.

ცნობისთვის, დედოფლისწყაროს მუნიციპალიტეტის სოფელ საბათლოში, რომელიც ძირითადად ეთნიკური უმცირესობებით არის დასახლებული, ამომრჩეველთა თითქმის 90%-მა მხარი „ერთიანი ნაციონალური მოძრაობას“ და მის დეპუტატობის კანდიდატს ზაზა

კეცელაშვილს დაუჭირა.

გაზეთ „შირაქის“ ინფორმაციით, კოალიცია „ქართული ოცნებას“ სოფელ საბათლოში მხოლოდ 10 ხმა ერგო. „ქართული ოცნების“ დედოფლისწყაროს შტაბში აცხადებენ, რომ არსებობს სოფელ საბათლოში მიმდინარე დარღვევების ამსახველი ვიდეო-კადრებიც. მათი თქმით, ამ სოფელში მმართველი გუნდი ხმების მოგროვებას კანონდარღვევებით ცდილობდა.

კოალიციის პრეს-სპიკერის მია ფანჯიკიძის განცხადებით, საბათლოში მე-18-ე უბანზე ამომრჩეველს აიძულებენ ბიულეტენზე შემოხაზული ხუთიანი კომისიისთვის ეჩვენებინათ. ეს განცხადება კოალიციის ცენტრალურ ოფისში საგანგებო პრესკონფერენციაზე გაკეთდა.

შეგახსენებთ, სოფელი რაიონული ცენტრისგან მკვეთრად არის მოწყვეტილი და საქართველო-აზერბაიჯანის საზღვართან მდებარეობს.

ილია მარტყოფლიძე

ფიქრები არჩევნების შემდეგ

დაძაბული წინასარჩევნო კამპანიის ფონზე, შეძრწუნებულები, აგზნებულები, შემინებულები, როგორც იქნა, მშვიდობით მივედით არჩევნების დღემდე. ყველას საწყობი იყო, როგორ ჩაივლიდა არჩევნები თავად 1 ოქტომბერს — გვეფიქრებოდა, არ მოხდეს ტოტალური გაყალბება და სახელმწიფო რესურსების თვალმისაცემი გამოყენება, მასობრივად არ გამოვიდეს ოპოზიცია ქუჩებში, მთავრობამ ხისტი პოლიტიკა არ განახორციელოს და... კიდევ ერთხელ არ დაიღვაროს ძმათა სისხლი. საბედნიეროდ, არჩევნების დღეს საარჩევნო ყუთებთან მისულმა ჩვენმა მოქალაქეებმა საკუთარი ნება გამოხატეს და შედეგმა აჩვენა, როგორ შეიძლება მოხდეს „ხავერდოვანი რეგულაცია“, როგორ შეიძლება შეიცვალოს ერთი მმართველი პარტია მეორეთი, მაგრამ, როგორ იყო თავად არჩევნების დღე? — ქ. დედოფლისწყაროს №2 საარჩევნო უბანში, რომელსაც მთელი დღის მანძილზე ვაკვირდებოდი, არ შეწყვეტილა ხალხის ნაკადი. აქ 1459

ამომრჩევლიდან 797 ამომრჩეველმა მიიღო მონაწილეობა. აქედან 393 ხმა „ბიძინა ივანიშვილი - ქართული ოცნება“, ხოლო 348 ხმა „ერთიანი ნაციონალური მოძრაობა“, მოიპოვა, მაჟორიტარებში კი 389 ხმა ალექსანდრე თამაზაშვილს, ხოლო 364 ხმა ზაზა კეცელაშვილს ერგო. არჩევნებზე მოდიოდნენ ადამიანები, რომელთა თვალშიც სიმტკიცე და უტყუარობა იხატებოდა, მოდიოდნენ შეშინებული და დაბნეული ადამიანები, რომლებსაც უჭირდათ გადაწყვეტილების მიღება, ებრძოდნენ საკუთარ ხედვას და მავანისაგან მიღებულ დირექტივას შორის როგორი არჩევანი გაეკეთებინათ, მოდიოდნენ ისეთებიც, რომლებიც ყოველგვარი ანალიზის გარეშე ასრულებდნენ პირობას, რაც „ჭკუის დამრიგებელს“ მისცეს, მოდიოდნენ ისეთებიც, ვინც არ იცოდა, რა უნდა ექნა და მას ვიღაც რიგითი მოქალაქე „ენმარებოდა“ არჩევანის გაკეთებაში და ახაზუნებდა ან უხაზავდა იმ ნომერს, რაც მას თავად მიაჩნდა სამართლიანად. ასეთ შემთხვევაში „დამხმარე პერსონალი“

თავის საქმეს აკეთებდა. ასე იყო უნიჩა, ასე იყო ახლაც და რადგან უამრავ არჩევნებს ვარ მოსწრებულნი და დაკვირვებულნი, მიმანინა, რომ „დამხმარის ინსტიტუტ“ საერთოდ უნდა გაუქმდეს, რადგან ის ვერ გამოხატავს დასახმარებელი სუბიექტის აზრს. სჯობია, ასეთმა ამომრჩეველმა საარჩევნო პროცედურის გათვალისწინებული ნორმა ვერ შეასრულოს და გაბათილდეს მისი ხმა, ვიდრე „დამხმარე“ ადამიანი ორჯერ და სამჯერ დააფიქსიროს თავისი ნება. არჩევნებზე მრავალწლიანმა დაკვირვებამ მიმიყვანა კიდევ ერთ დასკვნამდე: — უბანზე მოდიან ღრმად მოხუცებული ადამიანები, რომლებსაც აღარ ესმით აღარც პოლიტიკა, აღარც ქვეყნის პრიორიტეტები, მოდიან მხოლოდ მოვალეობისათვის, არა, არც კი მოდიან, მოჰყავთ დაინტერესებულ სუბიექტებს და მექანიკურად ასრულებდნენ იმას, რაც მათ სურთ. ასეთი კატეგორიისა უმთავრესად გადასატანი ყუთის მოხმარებელიც. მე არ გამოვიცხავ გამოხატვის, რომლებსაც

აქვე მოტყენილობა, ან დროებით ავადმყოფობენ, მე შედეგობაში მყავს მოხუცები, რომლებიც ჩალოცნილები არიან და მათი ნების გამოხატვას მათი ოჯახის წევრები, ან მომვლელები ახორციელებენ. ამიტომ მიმანინა, ისე როგორც არსებობს ქვედა ზღვარი და ახალგაზრდას 18 წლის შესრულებამდე არ შეუძლია განხორციელოს ხმა, ისე უნდა არსებობდეს ზედა ზღვარიც, თუ 17 წლის და 11 თვის ახალგაზრდა შეგუებულია და არ უნდა პრეტენზია კანონის მიმართ, რატომ არ მანხორციელებდნენ ხმასო, არც ხანდაზმულებს გაუნდებთ იმის გრძობა, რომ მათი უფლებები შეიღაბა. ვფიქრობ, ასე უფრო გაჯანსაღდება ამომრჩეველთა შემადგენლობა და ხალხის ნებაც ზუსტად გადმოიცემა.

არჩევნები დამთავრდა, ხმის დათვლის პროცედურა თითქმის ამთავრდა, ემოციები კი არ ცხრება, მტყუან-მართლის ძიებაში იმართება მიტინგები, ხალხი ღელავს, ახლა დროა, ეს ყველაფერი შეწყდეს და იურიდიულ ქრონიკაში გადავიდეს

პროცედურები, სასამართლოებმა გავარდნონ თავიანთი „ფერისცვალება“ და მიიღონ სამართლიანი გადაწყვეტილებები, ახალმა უმრავლესობამ დროულად და უმტკივნეულოდ გადაიბაროს მმართველობა, თავისუფლების განცდა, რომელიც განრდა საზოგადოებაში, კვლავ არ დაითრგუნოს საზოგადოებით და შანტაჟებით, საზოგადოება მოთმინებით დაელოდოს თითოეული მხარის ქმედებას, აწონ-დაწონოს, სალი აზრი გამოიტანოს და დაძლიოს შიში იმისა, შეძლებს თუ არა „ქართული ოცნება“ შესარეულოს ყველა ის დანაპირები, რაც ხალხს მისცა. იმედი უნდა ვიქონიოთ, რომ ისე, როგორც სწორი ტაქტიკური სვლებით ახალი ძალა გამარჯვებამდე მივიდა, ასევე მშვიდობიანად მოახერხებს მთავრობის ყველა ბერკეტის ხელში აღებას, საზოგადოების ნონასწორობის შენარჩუნებას და ქვეყნის გაძლიერებას. წინ მიმე და საინტერესო ოთხი წელია!

ნაირა გორაშვილი

მასწავლებლებო, ყველა მიყვარხართ!



5 ოქტომბერს მასწავლებლის დღე აღნიშნა დედოფლისწყაროს №2 საჯარო სკოლაში. ამ სკოლის უფროსკლასელმა მოსწავლეებმა არანაშური სურპრიზი მოუწყვეს თავიანთ პედაგოგებს და ამით კიდევ ერთხელ გამოხატეს თავიანთი პატივისცემა და ის დიდი სიყვარული, რაც მათ პედაგოგების მიმართ გრძობენ. ლონისძიებამ ამავე სკოლის მოსწავლემ ქეთი შანშიაშვილმა გახსნა: - „მინდა მადლობა გადაუხადოთ ჩვენს პედაგოგებს და მიუფლოცო დღევანდელი დღე. არის შემთხვევები, როდესაც მასწავლებელი უფრო კარგად იცნობს ბავშვს, ვიდრე მშობელი. გმადლობთ, რომ განსაკუთრებულად თბილები ხართ ჩვენს მიმართ, მუდმივად გემოძღვრავთ, გვესაუბრებით ადამიანურ, ბუნებრივ, ეთიკურ და ზნეობრივ მრწამსზე. გმადლობთ, რომ ზრუნავთ ჩვენს პიროვნებად ჩამოყალიბებაზე და კიდევ ერთხელ გილოცავთ

მასწავლებლის დღეს.“-აღნიშნა თავის გამოსვლაში ქეთი შანშიაშვილი. „ძვირფასო მასწავლებლებო, გვინდა ეს დღე თქვენთვის იყოს განსაკუთრებით ღამაში და გამორჩეული, გვინდა დღეს ღამაში ნუთები გარეკოთ, ჩვენი გულიდან ნამოსული სიტყვებით გაგათბოთ და ამ არეულ დროს ეს დღე ხალისიანად და მხიარულად გაატაროთ!“-აღნიშნა ლიკა ლოლაშვილი. მასწავლებლების მიმართ წარმოქმნილი არაერთი სასიამოვნო სიტყვის შემდეგ, თითოეულმა მონაწილემ თავისეული ხედვით გამოხატა ის დამოკიდებულება და განწყობა, რაც მათ პედაგოგების მიმართ გააჩნდათ, ზოგმა ლექსით, ზოგმა სიტყვით, თუმცა ამ ღონისძიების მთავარი გმირი პედაგოგთა რიგებიდან მაინც ქართული ენა-ლიტერატურის პედაგოგი ეთერ ალადაშვილი აღმოჩნდა, რომელმაც ყველაზე მეტი კოცნა და სიყვარული მიიღო ამ დღეს ბავშვებისგან, - „ყველა პედაგოგი გვიყვარს, მაგრამ ეთერი მასწავლებელი, თქვენ განსაკუთრებულად გვიყვარხართ!“-აღნიშნა ეთერ ალადაშვილი და თბილად იხუტებდნენ მას გულში. სიტყვით გამოვიდნენ სოფიო მენთეაშვილმა, დებმა ლოლაშვილებმა, მარი ნიკვაშვილი, რუსუდანი და ანა ყოჩიაშვილები, დეკლამატორობით გამოირჩეოდა ხათუთა ცისკარაულის გამოსვლა, რომელმაც ლექსი, მურმან ჯინორიას სტილში წაგვიკითხა. - „დაგეძებდა ქუჩებში, მემამბოხე პოეტი... ღამე მგლების ყმუილზე, ეშვით მაჯებს ვისერავ, მანამდე კი როგორმე, გულის ცემას ავიტან!“-კითხულობდა ხათუთა და მთელი დარბაზი ერთ ნუთს გაიყურსა.

ღონისძიების დასასრულს მოსწავლეებმა სიურპრიზებად შემოინახეს თითქმის ყველა პედაგოგის დაჯილდოება ნომინაციაში „აკვიატებული ფრაზები“. რომელიც თითოეული მასწავლებლის ხასიათიდან და აკვიატებული ფრაზებიდან გამომდინარეობდა. განსაკუთრებული მონონება დაიმსახურეს მეთორმეტეკლასელმა თორნიკე ჯეთერიშვილმა და ილია ცისკარაულმა, რომლებმაც გიტარაზე შეასრულეს სიმღერები. დასასრულს მოსწავლეებმა დიდი მადლობა გადაუხადეს ამ ღამაში ღონისძიების ორგანიზატორს მაია კეტეციანს და მასწავლებლებს სამასწავლებლოში სპეციალურად მათთვის მოწყობილ ოთახში მიიწვიეს. იქ კიდევ უფრო დიდი სიურპრიზი დახვდათ პედაგოგებს, ბურთებით და ყვავილებით მორთულ მაგიდაზე ანთებული სანთლებიანი ტორტი და მოსწავლეების მასწავლებლებისადმი მიწერილი წერილები დახვდათ. სიტყვით გამოვიდა დირექტორი ია ლაპიაშვილი, რომელმაც მადლობა გადაუხადა მოსწავლეებს ამ ღამაში დღის ჩუქებისთვის. ღონისძიება ამაღლებული განწყობით დამთავრდა, ჩვენს წინ იდგა თაობა, რომლითაც დედოფლისწყარომ უნდა იამაყოს.

ლალი მხრინიშვილი



სკოლა - ოჯახი - საზოგადოება

სამი მუხრი და ძლიერი რგოლი ჯაჭვისა, რომელთა გაძლიერებაზე და სიმტკიცეზე დამოკიდებული სრულფასოვანი პიროვნების ჩამოყალიბება.

მასწავლებელთა მსოფლიო დღე ყოველწლიურად აღინიშნება 5 ოქტომბერს მსოფლიოს 100-ზე მეტ ქვეყანაში. ამ ტრადიციას იუნესკოს ეგიდით საფუძველი 1994 წლიდან ჩაეყარა და მისი დანიშნულებაა მასწავლებლის როლისა და ფუნქციის ხაზგასმით მომავალი თაობების აღზრდასა და განათლებაში.

არსებული მონაცემებით, საქართველოს ზოგადსაგანმანათლებლო სკოლებში 70 ათასამდე მასწავლებელი მუშაობს.

სკოლა - საფუძველი
ოჯახი - საყრდენი
საზოგადოება - კედელი

როგორ უნდა თანამშრომლობდეს ოჯახი, სკოლა, საზოგადოება?

ბავშვები სკოლაში ცოდნითა და უკვე შეძენილი უნარ-ჩვევით მოდიან. მათ გარკვეული წარმოდგენა აქვთ ქცევის წესებზე, სოციალურ წეს-ჩვეულებებზე და სხვებთან ურთიერთობის დასამყარებლად ერთგვარი სტრატეგიაც გააჩნიათ. ინდივიდის ჩამოყალიბების საფუძველი, როგორცაა საკუთარი "მეს" შეგრძნება და სამყაროსადმი

დამოკიდებულებაც უკვე ამ ადრეულ წლებში ყალიბდება. მშობლები ბავშვის პრველი მასწავლებლები არიან.

რა ქმნის ოჯახს? დღევანდელ ცვალებად საზოგადოებაში ოჯახურ ერთობას მრავალნაირად საზღვრავენ. ოჯახები ისევე განსხვავდებიან ერთმანეთისაგან, როგორც ამ ოჯახის წევრები. ოჯახს დიდი მნიშვნელობა ენიჭება, რადგანაც მათ ბავშვზე უდიდესი ზემოქმედების მოხდენა შეუძლიათ. მშობლები ბავშვებისთვის პირველი მაგალითია, ვისგანაც მათ პრობლემის გადაჭრის, თანამშრომლობისა და გამოცდილების გაზიარების გადმოღება შეუძლიათ. მშობლები გამიზნულად მოძღვრებენ თავიანთ შვილებს, რომ ისინი ოჯახისა და შემდეგ, საზოგადოების წევრები გახდნენ. ყველა ოჯახს წარმატება და ბედნიერება სურს საკუთარი შვილებისათვის. მშობლებს შეუძლიათ განაპირობონ საკუთარი შვილების წარმატება მათი ინტერესებით დაინტერესებითა და მათში იმ თვისებების დაფასებით, რომლებსაც საკუთარ თავში აფასებენ. მშობლები თავიანთი შვილებისთვის ისეთ-

ავე ფართო მიზნებს ისახავენ, რასაც მასწავლებელი ყველა ბავშვის წინაშე აყენებს.

მშობლებსა და სკოლას ერთობლივი პასუხისმგებლობა აკისრიათ ბავშვისათვის წარმატების მომტანი გარემოს შექმნაში ზრდა-განვითარების ყველა სფეროში. სკოლა ის ადგილია, სადაც მასწავლებელი და მშობელი ერთად იმუშავენ. გამოკვლევებმა გვიჩვენა, რომ ასეთი ერთიანობა ხელს უწყობს ბავშვის ზრდას, როგორც პიროვნული ასევე აკადემიური მოსწრების თვალსაზრისით. სკოლას და სახლს შორის დამყარებული პოზიტიური, მეგობრული ურთიერთობა ყველა ბავშვისთვის სარგებლის მომტანია. მოსწავლე უნდა გრძობდეს, რომ პასუხისმგებლობა მის კეთილდღეობაზე აკისრია, როგორც სკოლის კოლექტივს, ასევე მშობლებს.

დღევანდელი საყოველთაო საყოფაცხოვრებო პრობლემებიდან გამომდინარე ურთიერთ კავშირი სკოლა-ოჯახი-საზოგადოება ირღვევა. მშობელი ნაკლებად იცლის სკოლასთან თანამშრომლობისათვის. მათი ინერტულობა მასწავლებელს არ აძლევს საშუალებას

სხვადასხვა საინტერესო საქმიანობები და პროექტები განახორციელოს, რაც მოსწავლეებთან მომუშავე ერთი მოზრდილი ადამიანისათვის შეუძლებელია. მშობლების მონაწილეობა სასწავლო პროცესის წარმართვაში იძულებითია. ძნელად გადასაჭრელი პრობლემის წარმოშობისთანავე მთელ პასუხისმგებლობას მშობელი სკოლის დირექციას და მასწავლებლებს აკისრებს. თუმცა ერთერთი ძირითადი პასუხისმგებელი თვითონაცაა, თავს არიდებს სკოლის კოლექტივთან ერთად მონახოს ამ პრობლემის გადაჭრის გზები და საშუალებები. მშობელს არ სურს გააცნობიეროს, რომ საკუთარი შვილის, სკოლის ცხოვრების ნაწილია და საზოგადოებრივი ერთობის წევრობის შეგრძნება საკუთარ სახლშიც დაამკვიდროს. მშობელსა და სკოლას შორის წარმოიშობა უნდობლობა.

თუ ჯაჭვს აკლია რომელიმე რგოლი, მისი მთლიანობა ირღვევა.

ერთი რამ ნათელია, სამივე რგოლის ურთიერთთანამშრომლობის გარეშე რთულია მივალნით მიზანს, ჩამოვაყალიბოთ პიროვნება!

ქოჩების ტბის რეაბილიტაცია, სავარაუდოდ, არ შეჩერდება

პრეზიდენტი მიხეილ სააკაშვილი 28 სექტემბერს დედოფლისწყაროს ესტუმრა და სოფელ სამრეკლოში მდებარე ე.წ. „ქოჩების ტბასთან“ შეკრებულ მოსახლეობას სიტყვით მიმართა. მან განაცხადა, რომ საქართველოს რუკაზე დედოფლისწყაროს სახით გაჩნდება „ახალი, ძალიან მაგარი კურორტი“.

გამოსვლისას, „ერთიანი ნაციონალური მოძრაობის“ ლიდერმა, დედოფლისწყაროს განვითარების პერსპექტივაზე ისაუბრა და ადგილობრივებს ახალი დასახლებული კომპლექსის მშენებლობის დაწყება მიულოცა. მისი თქმით, უახლოეს მომავალში მთლიანად მოხდება რაიონის გაზიფიცირება, აშენდება საავადმყოფო და გარემონტდება ყველა სკოლა. პარტიის თავმჯდომარემ სოფლის მეურნეობის სფეროში მიმდინარე პროექტებზეც ისაუბრა.

მიხეილ სააკაშვილს პროექტის დეტალები გუბერნატორის მოვალეობის შემსრულებელმა კახეთის რეგიონში გიორგი სიბაშვილმა გააცნო.

საქართველოს პრეზიდენტის, მიხეილ სააკაშვილის განცხადებით, საქართველოს საგარეო მტერს ჰქონდა იმედი, რომ არჩევნებამდე ხუთი დღით ადრე ქვეყანას ჩოქვინში ჩააყენებდა.

„ჩოქვინიდან გამოსავალი არსებობს და მე ჩვენს პოლიტიკურ ოპონენტებზე არ ვლაპარაკობ, ჩვენ უნდა დავდეთ ბეჭებზე უმუშევრობა, გაჭირვება, უპერსპექტივობა და ყველა ქართული ოჯახს უნდა მოვუტანოთ მეტი სარგებელი. ეს არის ჩემი ცხოვრების მიზანი“, — განაცხადა სააკაშვილმა.

პრეზიდენტი ადგილობრივ მოსახლეობას დაპირდა, რომ დედოფლისწყაროში მალე ყველა ოჯახს ექნება ბუნებრივი აირი, თანამედროვე სკოლები, მოსახლეობა ასევე იქნება უზრუნველყოფილი ხარისხიანი ჯანდაცვით, შემოვა სასოფლო-სამეურნეო სექტორისთვის ახალი ტექნიკა.

„ყოველი კვადრატული მეტრი ჩვენი მიწის ოქროს ფასია. უნდა ვამუშაოთ ჩვენს ხალხზე. დედოფლისწყაროს ყველა ოჯახს ექნება გაზი, ყველა იქნება დაზღვეული. აქაურობა უკეთესი იქნება“ — აღნიშნა სააკაშვილმა.

დედოფლისწყაროში, სოფელ სამრეკლოში ე.წ. „ქოჩების ტბის“ რეაბილიტაციის მასშტაბური პროექტის განხორციელება უკვე იწყება.

პრეზიდენტის ადმინისტრაციის მიერ გავრცელებული ინფორმაციის თანახმად, ტბის მიმდებარე ტერიტორიაზე მოეწყობა კაფე, პლაჟი, სპორტული ზონა — მინი ფეხბურთის, კალათბურთის და ბავშვთა სათამაშო მოედნები.

ასევე, სავარჯიშო ტრენაჟორები, გასახდლები და საშხაპები, ასევე გაკეთდება სათევზაო ზონა და ფაცხები ღამის გასათევად.

გაზეთ „შირაქის“ ინფორმაციით, ტბის მიმდებარე ტყეში მოეწყობა საპიკნიკე ზონა და ავტოსადგომი.

ამასთან, ხელისუფლება ირწმუნება, რომ რეაბილიტირებული „ქოჩების ტბა“ იქნება საჯარო და ისევე როგორც ილიას ტბაზე, ნებისმიერ მსურველს საშუალება ექნება უფასოდ ისარგებლოს ამ ტერიტორიით. მოსახლეობა შიშობს, რომ ტბაზე შესვლა რეაბილიტაციის შემდგომ, შესაძლოა, ფასიანი გახდეს.

საპარლამენტო არჩევნების წინასწარი შედეგების გამოქვეყნებისა და პრეზიდენტ სააკაშვილის მიერ ოპოზიციაში გადასვლის თაობაზე განცხადების გაკეთების შემდეგ მოსახლეობა აქტიურად ალაპარაკდა იმის თაობაზე, რომ ბიძინა ივანიშვილის მიერ ახალი ხელისუფლების დაკომპლექტების შემდეგ, შესაძლოა, „ნაციონალური მოძრაობის“ მიერ დაწყებული პროექტები შეჩერდეს, ანდა საერთოდ აღარ განხორციელდეს.

მინისტრთა კაბინეტისა და ხელისუფლების ცვლილების ფონზე მოსახლეობის ეს ვარაუდი, საფუძველს მოკლებული არ ჩანს. ამდენად, გაზეთი „შირაქი“ დაინტერესდა გაერკვია, ნინასაარჩევნო კამპანიის დროს დაანონსებული პროექტის განხორციელება ამჯერად ხომ არ დგას ეჭვქვეშ.

ამ კითხვით „ერთიანი ნაციონალური მოძრაობის“ დედოფლისწყაროს მაჟორიტარი დეპუტატობის კანდიდატს და პროექტის ერთ-ერთ ინიციატორს **ზაზა კედელაშვილს** მივმართეთ.


კედელაშვილი მიიჩნევს, რომ ხელისუფლების ცვლილების შემდეგ ამ პროექტის დაფინანსებას პრობლემა არ უნდა შეექმნას. კედელაშვილი ასევე ვარაუდობს, რომ ივანიშვილის ხელისუფლება დაწყებულ პროცესს გააგრძელებს და ინფრასტრუქტურის განვითარება გაგრძელდება.

ბიძინა ივანიშვილს ქვეყანაში მიმდინარე სხვა პროექტების გაგრძელებასთან დაკავშირებით, ამ ეტაპზე, კომენტარი არ გაუკეთებია, თუმცა უკვე ღიად განაცხადა, რომ ქალაქი ლაზიკა აღარ აშენდება.

„ვერ ვხედავ ამ ქალაქის აშენების საჭიროებას და საერთოდ, რა ფულით უნდა აშენდეს? ეს ყველაზე ანეკდოტური შემთხვევაა, რაც სააკაშვილთან ასოცირდება,“ — განაცხადა ბიძინა ივანიშვილმა. იგი პარლამენტის ადგილმდებარეობის საკითხსაც შეეხო, რომელიც კონსტიტუციის თანახმად, ქუთაისში უნდა განთავსდეს.

ივანიშვილმა განაცხადა, რომ პირველ ეტაპზე პარლამენტის ახალ შემადგენლობას ქუთაისში მოუწევს შეკრება, რადგან, მისი თქმით, პარლამენტის შენობა თბილისში შიგნიდან უკვე დანგრეულია.

ილია მარტყოფილი



განათლების, განვითარებისა და დასაქმების ცენტრის შეხვედრა დედოფლისწყაროში

დედოფლისწყაროს №1 საჯარო სკოლაში 4 ოქტომბერს თელავის განათლების, განვითარებისა და დასაქმების ცენტრის წევრი სკოლების ერთობლივი შეკრება გაიმართა. შეხვედრას ესწრებოდნენ დედოფლისწყაროს №1, დედოფლისწყაროს №2, სოფელ ხორნაბუჯის და სოფელ არბოშიკის საჯარო სკოლის წარმომადგენლები.

მონაწილეებმა 2012-13 სასწავლო წლის სამოქმედო გეგმები წინასწარ განერეს და ერთმანეთს გამოცდილება გაუზიარეს.

გაზეთ „შირაქის“ ინფორმაციით, ცენტრის წევრი სკოლების სამოქმედო გეგმებს შორის პრიორიტეტული იქნება სხვადასხვა სახის საქველმოქმედო და ანტიინფორმაციული შინაარსის აქციები, რომლებიც მომავალი თაობების ჯანსაღი წესის დამკვიდრებისკენ იქნება მიმართული.

უზრუნველყონ. მაგალითად, დედოფლისწყაროს №1 საჯარო სკოლის სოციალური მედიის ლიდერ — გიგი იაკობიშვილს დაევალა ტრენინგების ჩატარება სხვადასხვა პარტნიორ სკოლებში.

შეხვედრაზე აღინიშნა, რომ უნდა გაიმართოს სასკოლო არჩევნები, რომელიც მოსწავლეთა თვითმმართველობების დაკომპლექტებას გულისხმობს. ამ საკითხზე საკუთარი ხედვა წარმოადგინეს თელავის განათლების, განვითარებისა და დასაქმების ცენტრის წევრი სკოლების წარმომადგენლებმა. ისინი არჩევნებს მათთვის სასურველ პერიოდში ინდივიდუალურად დანიშნავენ და მის ჩატარებასაც თავადვე უზრუნველყოფენ. ასევე საუბარი შეეხებოდა მცირე გრანტების კონკურსს.

როგორც გიგი იაკობიშვილმა გაზეთ „შირაქს“ განუცხადა, პარტნიორ სკოლებში ტრენინგების ციკლი მიმდინარე წლის ნოემბერის თვეში ჩატარდება.

ამას გარდა, დედოფლისწყაროს პირველი საჯარო სკოლის სამოქალაქო კლუბი სპექტრი მიმდინარე სასწავლო წლის განმავლობაში მოამზადებს ვიდეო რეპორტაჟს, რომელიმე დედოფლისწყაროელ წარმატებულ და ცნობილ ადამიანთან.

დედოფლისწყაროს მუნიციპალიტეტის სხვადასხვა სკოლების სამოქალაქო კლუბებს დაევალით მიმდინარე სასწავლო წელს სხვადასხვა ღონისძიების ჩატარება

შეხვედრა დედოფლისწყაროელმა ახალგაზრდებმა დადებითად შეაფასეს და განაცხადეს, რომ ძალზე საინტერესო აქტივობები დაიგეგმა, რის განხორციელების დროსაც მათთვის მიმდინარე სასწავლო წელი ერთობრად ნაყოფიერი და სახალისო გახდება.

ირაკლი კოკილაშვილი



კახეთის რეგიონული განვითარების სტრატეგიაზე მომუშავე ჯგუფის ექსპერტების შეხვედრა დედოფლისწყაროელთან

ცნობილია, რომ ეფექტიანი რეგიონული მმართველობის უზრუნველყოფის მიზნით კახეთის მხარეში სახელმწიფო რწმუნებულის ადმინისტრაციის მიერ შეიქმნა სახელმწიფო რწმუნებულ-გუბერნატორის სათათბირო ორგანო რეგიონული განვითარების საბჭო, რომლის ძირითადი ამოცანაა კახეთის რეგიონის განვითარების 2012-2017 წლების სტრატეგიის შემუშავება. სტრატეგიაზე მუშაობა მიმდინარე წლის 16 ივლისს დაიწყო, რომელიც 16 ოქტომბერს უნდა დასრულდეს.

სახელმწიფო რწმუნებულ-გუბერნატორის ადმინისტრაცია სტრატეგიაზე მუშაობისას თანამშრომლობს გერმანიის საერთაშორისო თანამშრომლობის საზოგადოებასთან (GIZ). მათი მხარდაჭერით შეიქმნა ექსპერტთა სამუშაო ჯგუფი, რომელიც მუშაობს კახეთის რეგიონული განვითარების სტრატეგიის შემუშავებაზე. პროცესის მნიშვნელოვანი კომპონენტია ყველა დაინტერესებული მხარის მონაწილეობა და ჩართულობა.

რეგიონული სტრატეგიის შემუშავებაში მნიშვნელოვანი როლი ენიჭება მუნიციპალიტეტის მცხოვრებთან შეხვედრასა და არსებულ პრობლემებზე საუბარს.

სტრატეგიაზე მომუშავე ჯგუფის მიზანია, გამოარკვიონ რა ძირითადი პრობლემები აქვთ მუნიციპალიტეტებს ამა თუ იმ სფეროში.

სწორედ ამ მიზნით, რამდენიმე დღის წინ დედოფლისწყაროში, ადმინისტრაციულ შენობაში სტრატეგიაზე მომუშავე ჯგუფის წევრების და ექსპერტების შეხვედრა გაიმართა ადგილობრივებთან.

ეკონომიკისა და ტურიზმის მმართველების ექსპერტ სოსო მძიმეაძის განცხადებით:

„აქამდე არსებულ სტრატეგიაზე პასუხისმგებლობა არავის აუღია, დღეს კი, რეგიონული მართვის სამინისტრო იღებს პასუხისმგებლობას, რომ ახალი სტრატეგია, რომელიც დამუშავების პროცესშია, უახლოესი 5 წლის მანძილზე განხორციელდება. აქტიურად ვმუშაობთ, ვადგენთ რა სახის პრობლემები კახეთის ყველა მუნიციპალიტეტში და მთავრობას მივანვით რეკომენდაციებს მის გადასაჭრელად,“ - აღნიშნა მიქელაძემ.

მკვლევარების აზრით, დედოფლისწყაროელებისათვის მთავარი პრობლემა უმუშევრობა, ადგილობრივი ბიზნესის განვითარება, ტურისტთა ნაკლები რიცხვი და სოფლის მეურნეობასთან დაკავშირებული პრობლემებია.

შეხვედრას ადგილობრივი ფერმერებიც ესწრებოდნენ. მათი განცხადებით, უმთავრესი პრობლემა სამთაწყარო-აზერბაიჯანის დამაკავშირებელი ხიდის ალდგენაა:

„პრობლემებს რა დაღვეს, მაგრამ ხიდის ალდგენა უმთავრესია ჩვენთვის. ხალხს ხიდის იქით ნათესავები ჰყავს და ვერ ახერხებენ მათ ხშირად ნახვას. პრობლემებია ტურისტების მხრივაც, აქ ტურისტები თითქმის არ შემოდის, რადგან ინფორმაცია არ აქვს. ჩვენი მუნიციპალიტეტი „ღვინის გზაში“ არ ზის და არც რუკაზეა აღნიშნული. მოსაწყობია ქალაქისა და სოფლების ინფრასტრუქტურა გზების ჩათვლით,“ - აღნიშნა შეხვედრაზე

ფერმერმა ბესიკ თოფჩიშვილმა.

– „პრობლემები ბევრია ჩვენს ქალაქში, ხალხი დაუსაქმებელია. დიდი პრობლემაა მოყვანილი მოსავლის რეალიზაცია, ასევე ნაკლებია სასოფლო-სამეურნეო ტექნიკა, არ გვაქვს ბაზრობები, სადაც ჩვენს ნაწარმს გავყიდით. ტურისტებიც ნაკლებად მოდიან, ინფრასტრუქტურას თუ მოანსრიგებენ, შესაძლოა, ტურისტების რიცხვი გაიზარდოს,“ - აღნიშნეს შეხვედრის დანარჩენმა მონაწილეებმა.

კახეთის რეგიონული განვითარების სტრატეგიის განმარტებელი რეგიონული განვითარებისა და ინფრასტრუქტურის სამინისტრო და კახეთის სამხარეო ადმინისტრაცია, რომელსაც ხელს უწყობენ ექსპერტები.

სოფლის მეურნეობის ჯგუფის ხელმძღვანელის, ექსპერტის, ღაბრიელ მამარაშვილის განმარტებით, მისი ჯგუფის მიზანია, მაქსიმალურად აისახოს რეგიონის მასშტაბით არსებული პრობლემები სოფლის მეურნეობის მმართველობით:

– „სოფლის მეურნეობაში სახელმწიფო ახორციელებს რამდენიმე პროექტს. ჩვენ გვინტერესებს სად არის პრობლემა და რა არის გამოსავალი, რომ ყველაფერი ავსახოთ სტრატეგიაში, რათა სახელმწიფომ შეძლოს პრობლემათა გაანალიზება და პროგრამების ეფექტური განხორციელება. თითოეული ღონისძიება უნდა აისახოს ბიუჯეტში, რადგან სტრატეგია მოიცავს სახელმწიფო სტრუქტურების ფორმირებას. ყველაზე აქტუალური თემა სურსათის უვნებლობის საკითხია, რომელიც ზუსტად უნდა გაიწეროს სტრატეგიაში. ჩვენი მუშაობა საბოლოოდ საჯარო მართველობის ეფექტურ მოდელზე გადასვლის წინაპირობაა.“

სოციალური განვითარებისა და ინფრასტრუქტურის ჯგუფის ხელ-

მძღვანელ ექსპერტ თინათინ ხანჯალიაშვილის თქმით კი, პირველადი ინფორმაციის მოკვლევა უკვე დასრულებულია:

– „**შეგროვებთ მუნიციპალიტეტებში არსებულ ინფორმაციას, რასაც გავანალიზებთ, სოციალური განვითარებისა და ინფრასტრუქტურის სფეროში არსებული სიტუაციის პირველადი მოკვლევა თითქმის დასრულებულია.**

სოციალური მიმართულებები იშლება ქვეთავებად: ჯანდაცვა, განათლება და მიგრაცია. ასევე, მუშაობა მიმდინარეობს ინფრასტრუქტურის კუთხითაც.“

ექსპერტების მოსაზრებებს მედია ცენტრი „კახეთი“ ავრცელებს. ეკონომიკისა და ტურიზმის ჯგუფის ხელმძღვანელის, ექსპერტ სოსო მძიმეაძის განცხადებით, პირველ რიგში, უნდა განისაზღვროს მუნიციპალიტეტების როლი საერთო რეგიონულ

– „მიხარია, რომ სტრატეგიის ერთი მიმართულება ბუნებრივი რესურსების დაცვაა. სამუშაოს ბაზარში ბისათვის სათითაოდ უნდა აისახოს, რომელ მუნიციპალიტეტს რა პრობლემა აქვს, რადგან ყველა რაიონს სხვადასხვა ბუნებრივი რესურსები გააჩნია, შესაბამისად, პრობლემებიც განსხვავებული აქვთ. აქედან გამომდინარე, მუნიციპალიტეტის როლის გამოკვეთა მნიშვნელოვანია თვითმმართველობის როლის გაზრდის თვალსაზრისით, რომორც გადაწყვეტილებების მიღების, ისე აღსრულების დროს. ადგილობრივი მოსახლეობა ამით უფრო მეტად ისარბებლებს, ვიდრე მაშინ, თუ გადამწყვეტილებები მიიღება მხოლოდ ცენტრიდან. პირველ რიგში, გვინდა მუნიციპალიტეტებში არსებული მდგომარეობის შესწავლა, ინფორმაციის მოძიება-დამუშავება, ანალიზი, დასკვნების გამოტანა და ბოლოს გზების



კონტექსტში:

– „ეკონომიკის კუთხით ყველა მუნიციპალიტეტის წარმომადგენელთან შეხვედრები. საბოლოო ჯამში სტრატეგია არის გზა, რითაც უნდა მივიდეთ მიზნებამდე. მანამდე საჭიროა პრობლემების გამოვლენა და ანალიზი, ამისათვის კი აუცილებელია ეკონომიკური დაგეგმვა, რომელშიც გათვალისწინებული იქნება მუნიციპალიტეტების წარმომადგენელთა მოსაზრებები და საჭიროებები.“

ექსპერტ კახა სუსნიტაშვილის, გარემოსდაცვისა და ბუნებრივი რესურსების მართვის მიმართულების ხელმძღვანელის თქმით, ამ ეტაპზე გარემოსდაცვა პრიორიტეტული მიმართულება არ არის, თუმცა გარემოსდაცვითი პრობლემები მთელ საქართველოში თვალსაჩინო და მტკიცეული ხდება და, რეგიონული მიმართულებითაც ყურადსაღებია:

დასახვა, მომავალი 5 წლის განმავლობაში საით უნდა წავიდეთ. მნიშვნელოვანია მუნიციპალიტეტებში მყოფი ადამიანების ჩართვა დარგების მიხედვით და პრობლემების მოგვარების გზებზე საუბრები, ასევე, მუნიციპალიტეტებში კვალიფიციური კადრების არსებობა როგორც გარემოსდაცვის, ასევე ბუნებრივი რესურსების მიმართულებით. ჩვენი პრიორიტეტია ასეთი ადამიანების მოძებნა და მათთვის კვალიფიკაციის ამაღლება, რათა მუნიციპალიტეტებს ჰყავდეთ დასაყრდენი.“

ექსპერტების შესახებ კახეთში მოქმედი ბიზნესისა და არასამთავრობო სექტორების წარმომადგენლების ინფორმირება მოახდინა და ისინი სამუშაო ჯგუფებში მოიწვია.

ილია მარტყოფლიშვილი

გამოცდების ეროვნული ცენტრი - სტუმრად დედოფლისწყაროში

განათლებისა და მეცნიერების სამინისტროს წარმომადგენლები 3 ოქტომბერს ქალაქ დედოფლისწყაროს ეწვივნენ. მათ ქალაქის №1

საჯარო სკოლის სააქტო დარბაზში ადგილობრივ აბიტურიენტებთან და საჯარო სკოლების მასწავლებლებთან შეხვედრა გამართეს.



შეხვედრას ესწრებოდნენ როგორც დედოფლისწყაროს, ასევე მუნიციპალიტეტის სოფლების სხვადასხვა სკოლის წარმომადგენლებიც. გამოცდების ეროვნული ცენტრის თანამშრომლები ირინა აბულაძე მოსწავლეებს ესაუბრა საგამოცდო ფორმების სიახლეებზე, ხოლო ნინო გორდუზიანი მასწავლებლებს პედაგოგთა სერთიფიცირების პროცესის შესახებ დეტალური ინფორმაცია მიაწოდა.

გაზეთ „შირაქთან“ საუბრისას შეხვედრაში მონაწილეები კმაყოფილებას გამოხატავენ სტუმრების მიმართ და ამბობდნენ, რომ სამინისტროს წარმომადგენლების მიერ ყველა ინფორმაცია ამომწურავად და გასაგებად იყო მიწოდებული.

„ჩვენი რაიონის მაცხოვრებლებისთვის ამგვარი სახის შეხვედრები

ძალზე მნიშვნელოვანია, რადგან დედოფლისწყარო თავისი მდებარეობის მიხედვით სასაზღვრო რაიონია და ჩიხში მდებარეობს. ამ მხრივ, ორმაგად მნიშვნელოვანია, ამ სფეროში მიმდინარე სიახლეები და მეტად საჭირო ინფორმაცია ჩვენს რაიონშივე პირველწყაროდან მივიღოთ. უფროდ საინტერესო და აუცილებელი იყო მათი ვიზიტი დედოფლისწყაროში და ჩვენ და ჩვენს თანატოლებს მიგვაჩინა, რომ მსგავსი შინაარსის შეხვედრები რაიონებში ხშირად უნდა იმართებოდეს,“ - აღნიშნეს დედოფლისწყაროელმა აბიტურიენტებმა.

შეხვედრას დედოფლისწყაროს საგანმანათლებლო რესურსცენტრიდან ზაქრო ჭუაძე ესწრებოდა.

ირაკლი კოკილაშვილი

სვეტიცხოველობა - ნათელი უსაზღვრო და გაბრწყინებული

სამი საუკუნე გასულიყო მას შემდეგ, რაც მცხეთელმა ებრაელებმა ელიოზმა და ლონგინოზმა ქართლის მიწაზე მოაბრძანეს კვართი უფლისა - ღვთისმშობლის მიერ თავისი ძისათვის ურღვევად და უკერებლად ნაქსოვი მენამული კვართი, რომელიც გაუზღველად ემოსა მხსნელს ჩვენსას მიწაზე ყოფნისას. ეს კვართი სასწაულებრივად იზრდებოდა ღვთაებრივ ყრმასთან ერთად. მნივნობრებმა და ფარისევლებმა, რომელთაც ქრისტეს მოკვდინება ჰქონდათ გადაწყვეტილი, სამსჯავროზე დასასწრებად სხვადასხვა ქვეყანაში მცხოვრები ებრაელების წარმომადგენლები დაიბარეს. მცხეთიდან წარმომადგენლები ელიოზი და ლონგინოზი იყვნენ.

ელიოზი დედამ გააფრთხილა, განკაცებული მაცხოვრის გადარჩენას თუ ვერ შეძლებდა, მის სისხლში მაინც არ დაედო წილი. ხოლო დამ, სიდონიამ, სთხოვა, მისი რაიმე ნივთი ჩამოეტანა სახსოვრად. მცხეთელებმა სამსჯავროს ვერ მიუსწრეს - იერუსალიმში მხოლოდ ჯვარცმის დღეს ჩავიდნენ. როდესაც ქრისტეს ჯვარს აკრავდნენ, სამსჯავროზე დაკრული უროს ხმა მცხეთაში ელიოზის დედამ გაიგონა და გული გაუსკდა. ელიოზმა რომელი ჯარისკაცებისაგან დისათვის ქრისტეს პერანგი გამოისყიდა და მცხეთაში წამოიღო. სიდონია მცხეთის კარიბჭესთან შეეგება ძმას, კვართი გულში ჩაიკრა და მთელი არსებით იგრძნო მაცხოვრის მიერ განცდილი ტანჯვის სიმძიმე. მისმა გულმა ვერ გაუძლო ამ ტკივილს და იქვე გარდაიცვალა. ვერავინ შეძლო მიცვალებული ქალწულის ხელთაგან პერანგის გამორთმევა, ამიტომ ქართულმა მიწამ კვართი

თი წმიდა სიდონიას ცხედართან ერთად მიიბარა. ასე დაინიშნა საქართველო ზეციურ იერუსალიმთან. ასე განისაზღვრა გზა და დანიშნულება მისი.

სამი საუკუნე გასულიყო ამ დღიდან. წმიდა მოციქულთა - ანდრიას, სვიმონის და მატათას ქადაგების მიუხედავად,

ლი ერის ქრისტესთან სულიერი ქორწინებისა. სწორედ ამ მისიით მოემართებოდა ქართლისაკენ წმიდა ნინო - მოდიოდა და მოჰქონდა ღვთისმშობლისგან ბოძებული ჯვარი ვაზისა, როგორც სიმბოლო ჭეშმარიტებასთან ზიარებისა და საცდურთა ძლევისა.

სამეფო ბაღში ამოსული ნაძვი მოჭრეს და მისგან შვიდი სვეტი დაამზადეს - ექვსი აღმართეს, მაგრამ მეშვიდე - ყველაზე დიდი - ადგილიდან ვერ დაძრეს. წმიდა ნინო კვლავაც ლოცვად დადგა. გამთენიისას ზეცით გარდამოხდა ნათლით მოსილი, "ყოვლად ცეცხლითა

მილნი სიარულს იწყებდნენ... და აღმართა სვეტი ცხოველი ზეცისა და მიწის უწყვეტ კავშირად, ქართული ქრისტიანობის სიმბოლოდ, ცხოველსმყოფელ სვეტად და საძირკვლად ქართული ეკლესიური აზროვნებისა. მამა გაბრიელის თქმით, ქრისტეს ამაღლების შემდეგ, დედამიწაზე აღარ არსებობს სვეტიცხოველზე უფრო წმიდა ადგილი - ადგილი ზეცასა და მიწას შორის ხილულად აღდგენილი და შეკრული კავშირისა, ცხოველსმყოფელი ნათლის გაბრწყინებისა, ქრისტეს კვართის დავანებისა.

სვეტი იგი ნათლისა, სვეტიცხოველი, თავით ზეცას სწვდებოდა, ხოლო ძირით სიდონიას გულში ჩაკრულ მაცხოვრის კვართს ემყარებოდა. როგორც უბრალო ხემ იცვალა ფერი და ნათლის სვეტად იქცა, ასევე იცვალა ფერი ქართული სულმა, გაბრწყინდა რა ქრისტესმიერი ნათლით. იმ დღეს არა მხოლოდ ქართული სულის ფერისცვალება მოხდა, არამედ ქართული ეკლესიის მონყოლა. ჩვენი ქრისტიანობის ფესვები ქრისტეს სისხლით შესვარული მაცხოვრისეული კვართია - ანუ ჩვენი გზაც, ქრისტესაკენ სავალი, ჭეშმარიტებისათვის ბრძოლით, წამებითა და ტანჯვით იქნება გასავლელი.

სვეტიცხოველის აღმართვის შემდეგ მცხეთა "ახალ იერუსალიმად" იწოდება, სვეტიცხოველის ტაძარი - "წმიდათა წმიდად", მსგავსად სოლომონის ტაძრის წმიდათა წმიდისა, სადაც ინახებოდა აღთქმის კიდობანი, ხოლო ქართველი ერი - "ერად საზეპუროდ" და "ვენახად ქრისტესი"...

სვეტიცხოველისა და სვეტიცხოველის ძალა და მადლი გვეზარავდეს ყველას!



ქართლის მთები მაინც ცოდვის ნისლს დაეფარა, ხოლო თავად ქართლი ჩაფლულიყო კერპთაყვანისმცემლობისა და მსხვერპლშენიერვის წყველიად. ქრისტეს კვართით ზეციურ იერუსალიმთან დაწინდებიდან სამი ასწლეულის გასვლის შემდეგ დამდგარიყო ჟამი ქართვე-

მოვიდა და დაემკვიდრა ქართლში - სწულთ კურნავდა, ლოცულობდა, ცოდვილთ მოაქცევდა... მისმა ლოცვამ თავად მეფე-დედოფალიც კი გააქრისტიანა. და მოისურვა მირიანმა, აღემართა ეკლესია ჭეშმარიტი ღმერთის სადღეობლად. ტაძრის სვეტებისათვის

მოზღარდნილი" ჭაბუკი, ხელი მოჰკიდა სვეტს და აღამალა. ღვთივგაბრწყინებული სვეტი 12 წყრთის სიმაღლეზე გაჩერდა ჰაერში. მთელი მცხეთა დაიძრა ნათლის სვეტის თავყვანის საცემად. მიახლოებისას სწულნი ინკურნებოდნენ, ბრმებს თვალები ეხილებოდათ, დავრდო-

დედოფლისწყარო ეკურთხა

1 ოქტომბერს, არჩევნების დღეს, დეკანოზმა ნიკოლოზმა მრევლთან ერთად რაიონის ცენტრში მოაწყო მშვიდობიანი მსვლელობა, რაც რაიონის კურთხევას ითვალისწინებდა. პატრიარქის კურთხევით დეკანოზმა ნიკოლოზმა და რაიონის მამაოებმა აკურთხეს როგორც მთელი რაიონი, ასევე სოფლები. იმავე დღეს მსვლელობაში ჩაერთო სოფლების მოსახლეობა და საკმაოდ ფართომასშტაბი შეიძინა. ეს გახლდათ კიდევ ერთი გამოფხიზლება ქართველი ერისა, რათა სრულიად საქართველოს მოსახლეობას კიდევ ერთხელ კარგად გაეანალიზებინა, ქვეყნის წინაშე არსებული გამოწვევა. ჩვენს რაიონში მსვლელობამ

საკმაოდ ფართო მასშტაბი მიიღო და მას დიდი თუ პატარა, შეძლებისდაგვარად, შეუერთდა. -„პატრიარქის თხოვნა იყო, რომ განსაცდელის ჟამს სრულიად საქართველო ეკურთხებინათ, ასეც მოხდა, ალბათ ამან განაპირობა ის, რომ სამოქალაქო დაძაბულობის პირას მისული საზოგადოება ასცდა სისხლისღვრას და უბედურებას, რომლისგანაც განსაცდელის დღეებში, არც ისე შორს იდგა საქართველო. მადლობა ჩვენს სამღვდელოებს ამისთვის, მადლობა ჩვენთვის ესოდენ ძვირფას დეკანოზ ნიკოლოზს!“ -აცხადებდა იმ დღეს ერთ-ერთი მრევლი.

ლალი მხსრნიშვილი

რა მოხდა 5 ოქტომბერს

- 1582: გრიგორიანული კალენდრის შემოღების გამო ეს დღე არ არსებობს ამ წელს იტალიაში, პოლონეთში, პორტუგალიასა და ესპანეთში.
- 1665: კიელის უნივერსიტეტი დაარსდა.
- 1789: საფრანგეთის რევოლუცია - პარიზელი ქალები ვერსალისკენ მიემართებოდნენ ლუი XVI-სთვის წინააღმდეგობის გასაჩვენებლად, ამ უკანასკნელის მიერ ფეოდალიზმისა და უფლებების დაცვების უარყოფის გამო.
- 1793: საფრანგეთის კონვენტმა მოქმედებაში შემოიღო რევოლუციური კალენდარი, სადაც პირველი წელი იწყებოდა რესპუბლიკის რევოლუციის პირველი დღიდან - 1792 წ. 22 სექტემბერს. წელი 12 თვისაგან შედგებოდა 30 დღე თითოში. დარჩენილი 5 (6) დღე დღესასწაულად გამოცხადდა.
- 1795: ნაპოლეონმა როიალისტების ვანდემიერის ბუნტის ლიკვიდირება მოახდინა.
- 1864: ინდოეთის ქალაქი კალკუტა თითქმის მთლიანად დაინგრა ციკლონის გამო; 60.000 ადამიანი დაიღუპა.
- 1908: პრინცი ფერდინანდ I ბულგარეთს დამოუკიდებლად აცხადებს, საკუთარ თავს კი - ბულგარეთის მეფედ.
- 1910: პორტუგალიაში გაუქმდა მონარქია და რესპუბლიკა გამოცხადდა.
- 1915: პირველ მსოფლიო ომში ჩაერთო ბულგარეთი.
- 1921: ლონდონში დაარსდა საერთაშორისო პენ-კლუბი, ≈ მწერალთა საზოგადოება.
- 1925: აშშ-ში გამოვიდა ერნესტ ჰემინგუის პირველი წიგნი.
- 1945: პოლიგუდის შვიი პარასკევი - პოლიგუდის სცენურ დეკორატორთა ექვსთვიანი გაფიცვა სისხლიან აურზაურში გადაიზარდა უორნერ ბრაუნერის სტუდიასთან.
- 1947: პირველი სატელევიზიო გამოსვლა თეთრი სახლიდან გააკეთა აშშ-ის პრეზიდენტმა ჰარი ტრუმენმა.
- 1962: ბითლბმა ბრიტანეთში გამოუშვეს პირველი სინგლი „Love Me Do“.
- 1970: ეგვიპტის გარდაცვლილი პრეზიდენტის, ნასერის, ნაცვლად პრეზიდენტად არჩეული იქნა მისი ახლო თანამებრძოლი ანვარ სადათი.
- 1986: ბრიტანეთის გაზეთმა "სანდები თაიმზმა" გამოაშუქარავა ისრაელის საიდუმლო ბირთვული იარაღი.
- 1991: ლინუქსის პირველი ოფიციალური ვერსია 0.02 გამოვიდა.

ილია, ზაურ მარტყოფლიშვილები ოჯახით თანაგრძობას უცხადებენ ციციწო, ნანა, ბეჟან მაჩაბლიშვილებს მეუღლის და მამის გაქურდა მარტყოფლიშვილის გარდაცვალების გამო.

2000: ბელგრადში გამართული მასობრივი დემონსტრაციების შედეგად გადადგა სერბეთის პრეზიდენტი სლობოდან მილოშევიჩი. ამ დემონსტრაციების ხშირად ბულდოზერის რევოლუციას უწოდებენ.

ს ს ვ ა

ტარიელ ჯამასკიშვილი



ტარიელ და მწუხარებაში გავიდა ერთი წელი. 10 ოქტომბერს უმწიოდ უნდა აღვნიშნოთ შენი დაბადების დღე.

დიდი ძალა იყავი არა მარტო შენი ოჯახისთვის, არამედ მთელი სოფლისთვისაც. შენი მართალი და ალალი გულით ყველას თავი შეაყვარე და ამიტომ „გულმართალა“ შეგარქვეს. შენ დიდი იმედი იყავი ძმისშვილებისთვისაც, შენი კაცური კაცობით ვამაყობდით და ვიამაყებთ. ძალიან, ძალიან გვენატრები და გვიყვარხარ. დაბადების დღეს გილოცავთ და უფალს შევთხოვთ, რომ შენი ნათელი სული დამკვიდროს სამუდამო სასუფეველში.

მონატრებით შენი ძმისშვილები

„ჩემი ცხოვრების შემოდგომა“ ქსოვრელების თანხლებით...

დედოფლისწყაროს კულტურის სახლში ცარო მარტიაშვილის საიუბილეო-შემოქმედებითი საღამო გაიმართა. ღონისძიებაში ანსამბლი „ქსოვრელები“ იღებდნენ მონაწილეობას. ლიტერატურულ-მუსიკალურ საღამოს სახელწოდებით „ჩემი ცხოვრების შემოდგომა“ ასევე ცხრებოდა ცნობილი მსახიობი, პროზაიკოსი და პოეტი გივი სიხარულიძე, რომელმაც ჩვეულებისამებრ მისთვის დამახასიათებელი მანერით აუდიტორიას თავისი ლექსები წაუკითხა.

ქსოვრელებისა და სიხარულიძის დედოფლისწყაროში ვიზიტი საღამოს განსაკუთრებულ ემუსს მატებდა. კულტურის სახლის დარბაზში ანსამბლი იყო.

გოგონათა ვოკალურმა ანსამბლმა „მანდილი“ (ხელმძღვანელი დალი ელისაშვილი) რამოდენიმე სიმღერა შეასრულა, ხოლო ქორეოგრაფიულმა ანსამბლმა „შირაქი“ ტრადიციას არ უღალატა და თავისი ცეცხლოვანი ცეკვებით კიდევ ერთხელ გააკვირვა ადგილობრივებიც და სტუმრებიც, რომლებიც აპლოდისმენტებს არ იშურებდნენ.

ცარო მარტიაშვილს დედოფლისწყაროელები სცენიდან

იცნობენ. ის მრავალი წელია, დედოფლისწყაროს კულტურის სახლის დირექტორია.

„30 წელი გავიდა, რაც აქ ვმუშაობ. ამასთან დაკავშირებით პატარა საღამო ჩავატარეთ. ძალიან მინდოდა, რომ დღევანდელი დღე შემდგარიყო. რაც ჩაფიქრებული მქონდა, ნაწილობრივ შესრულდა. თუმცა, შეიძლება უკეთესიც ყოფილიყო. ეს მაყურებელმა შეაფასოს... პოპულიზმი არ მიყვარს, ამიტომ ჩემი სურვილი იყო, რომ ღონისძიებას მილოცვების გარეშე ჩაევილო... უბრალოდ, მინდოდა მაყურებლისთვის მოკრძალებული ანგარიში ჩამებარებინა! ნამდვილად არ ვიცი, ეს როგორ გამოვიყვანო. რაც შეეხება „ქსოვრელებისა“ და გივი სიხარულიძის დედოფლისწყაროში სტუმრობას, ისინი ჩემი პირადი მეგობრები და საერთოდაც ნეიტრალური ადამიანები არიან. გივის პირველად 7 წლის წინ შევხვდი. მწერალთა კავშირში, „სალბუნის“ პრეზენტაციაზე გავიცანი. მერე ჩვენთან მოვიხვე, დედოფლისწყაროში ახლა უკვე მეოთხედ იყო ჩამოსული. ქსოვრელებთან ერთად სამი წლის წინ ამავე დარბაზში ჩავატარე ფიროსმანის საღამო, რომელსაც კახეთის გუბერნატორი,

გიორგი ღვინიაშვილიც დაესწრო. აქვე, მინდა დიდი მადლობა გადავუხადო ჩემს სამსახურს და თანამშრომლებს, რომლებიც ძალიან გვერდით დამდგნენ,“ - განუცხადა გაზეთ „შირაქს“ ცარო მარტიაშვილმა.

„ბედნიერია ის მხარე, რომელსაც ასეთი ქალბატონი ჰყავს. ცარო არის უნიჭიერესი ადამიანი, ქართული სულის მატარებელი ქალბატონი... ის არის პოეზიის წყარო, საიდანაც მოედინება ძლიერი პოეტური სულისკვეთება და გადმოიღვრება პოეზიის რითმები... ეს არის გენიალური ქალი, რომელმაც აღზარდა და კიდევ აღზრდის უამრავ ნიჭიერ ქართველს, ნაღვ ქართველს!“ - აღნიშნა გაზეთ „შირაქთან“ საუბარში გივი სიხარულიძემ.

„მე მიხარია, რომ თქვენს ახლოს, თქვენს გვერდით ვცხოვრობ და თქვენთან ერთად საზიარო ვსუნთქავ ჰაერით!!! მადლობას გიხდით დიდი სითბოსთვის, რომ ამიკინძეთ ლამაზ მიძივებად!!!“ - ასეთი პოზიცია გამოხატა მარტიაშვილმა ლო-



ნისძიების დასრულების შემდეგ სოციალური ქსელის საკუთარ გვერდზე. მაყურებელი დარბაზს კმაყოფილი ტოვებდა და არ მალავდა, რომ ქალბატონმა ცარომ საკუთარ ნიჭიერებაში საზოგადოება კიდევ ერთხელ დაარწმუნა და ამჯერადაც ლამაზი ნუთები კიდევ აჩუქა.

ირაკლი კოკილაშვილი

სკორტი

ძიუდო

ქალაქ საგარეჯოში ჩატარდა სპორტული ფესტივალი „კახეთი 2012“ ვეტერან სპორტსმენთა შორის ძიუდოში, სადაც მონაწილეობა მიიღეს სოფელ ზემო მანხანის ძიუდოსიტებმა (მწვრთნელი ვაჟა მოსულიშვილი).

მესამე ადგილები აიღეს: 81 კგ-ში ბესიკ მოსულიშვილმა, 90 კგ-ში ზურიკო მოსულიშვილმა და მძიმე წონაში დავით მადარაშვილმა.

სამბო

ქალაქ თბილისში ჩატარდა საქართველოს პირველობა ჭიდაობა სამბოში ახალგაზრდებს შორის, სადაც მონაწილეობა მიიღეს კახეთის პირველობაზე პირველ ადგილზე და სამეულში გასულმა სპორტსმენებმა.

საქართველოს ჩემპიონები გახდნენ: 56 კგ-ში გიორგი ნათათრალაშვილი, 65 კგ-ში ლევან კირკიტაშვილი, 74 კგ-ში მიმიკო ჩოხელი.

მესამე ადგილის მფლობელები გახდნენ: 52 კგ-ში სანდრო ხუციანიძემ, 60 კგ-ში ბაჩო ჭიკაიძემ, 87 კგ-ში ავთანდილ სომხიშვილმა.

ტრავმის გამო შეჯიბრი ვერ გააგრძელა მიმიკო ჩოხეშვილმა.

გუნდი მოამზადეს საქართველოს სპორტის დამსახურებულმა მუშაკმა ვაჟა მოსულიშვილმა და საქართველოს ჩემპიონმა კახა ნიკლაურმა.

სანდა

ქალაქ თბილისში 15 სექტემბერს

გაიმართა საერთაშორისო ტურნირი ბრძოლა კ-1 ის წესებით, სადაც მონაწილეობდა სოფელ ზემო მანხანის ორთაბრძოლების გუნდი, საიდანაც ისინი საუკეთესო შედეგით დაბრუნდნენ.

პირველი ადგილი დაიკავეს გიორგი ნატროშვილმა, სანდრო ნატროშვილმა და სოსო ნატროშვილმა.

მეორე ადგილის მფლობელი გახდნენ: გელა ჩაფიძე, თამაზ გონაშვილი და გიორგი ფიროსმანაშვილი.

მესამე ადგილი მოიპოვეს ლუკა მარტყოფიშვილმა და გიორგი ტოკლიკიშვილმა.

ტურნირში მონაწილეობა მიიღო სანდრო ნატროშვილმა, რომელიც შეხვდა ირანელს და აშკარა უპირატესობით სძლია. აღსანიშნავია ის, რომ სანდრო არის 35 კგ და ირანელი იყო 44 კგ. ნონის განსხვავების მიუხედავად სძლია მან ირანელ სპორტსმენს.

ასევე სანდრომ მონაწილეობა მიიღო ბრძოლაში წესების გარეშე. სანდრომ სანდამი ასპარეზობისას დაიზიანა ხელი და ამ ტრავმის გამო დაიკავა მეორე ადგილი.

კიკბოქსინგი

15 სექტემბერს ქ.თბილისში ჩატარდა საერთაშორისო ტურნირი K-1-ში და შერეულ ორთაბრძოლაში (ბრძოლა წესების გარეშე), სადაც მონაწილეობას იღებდა აზერბაიჯანის და ირანის ნაკრები გუნდები, ასევე საქართველოს ყველა კუთხის გუნდი და კლუბი. ამ შეჯიბრებაზე

დედოფლისწყაროს უმუ-ს ეროვნული ფედერაციის კლუბი „არმია“-ც მონაწილეობდა მწვრთნელის გიორგი ცისკარაულის ხელმძღვანელობით, ექვსი სპორტსმენით, საიდანაც ხუთი K-1 წესებით მონაწილეობდა, ხოლო ერთი შერეულ ორთაბრძოლაში (ბრძოლა წესების გარეშე). ამ უკანასკნელში 10 წლის დედოფლისწყაროელი სპორტსმენი ნიკა ჩიტეშვილი ჩემპიონი გახდა. ხოლო K-1-ის წესებით ასპარეზობისას მეორე და მესამე ადგილები ნილად ხვდათ გიორგი მარტყოფიშვილს, ლევან ნიკლაურს და ნიკა გლახიშვილს. გუნდიდან განსაკუთრებით აღსანიშნავია ნიკა ჩიტეშვილის გამოსვლა, რომელმაც მონიშნაღმდეგე შეჯიბრების დროზე ადრე მხარწობელი ილეთით, ტექნიკური ნოკდაუნით დაამარცხა და ჩემპიონის ტიტულსაც დაეფუტა.

კლუბი მადლობას უხდის დედოფლისწყაროს მუნიციპალიტეტის სპორტის სამსახურის დირექტორს ბატონ ივანე შანშიაშვილს, გვერდში დგომისთვის და მხარდაჭერისთვის.

იყიდება

მალაზიის შენობა 100 მ.კვ. საავტომობილო დარბაზით, 200 მ.კვ სამარაგო ოთახებით, ეზოს ფართით. ფასი შეთანხმებით. მსურველებმა დარეკეთ შემდეგ ნომერზე:

599 26 80 28

აუქციონი

სოფელ არხილოსკალოს საჯარო სკოლა აცხადებს პირობით აუქციონს სკოლის შენობის

- ა) 70 კვ.მ ფართის იჯარით გაცემაზე. მიზანი: ძიუდოს წრის ფუნქციონირება. ფართის წლიური ღირებულება 500 ლარი. იჯარის ვადა 2 წელი.
 - ბ) 60 კვ.მ ფართის იჯარით გაცემაზე. მიზანი: ხალხური ცეკვის წრის ფუნქციონირება. ფართის წლიური ღირებულება 400 ლარი. იჯარის ვადა 2 წელი.
 - გ) 30 კვ.მ ფართის იჯარით გაცემაზე. მიზანი. მუსიკის წრის ფუნქციონირება. ფართის წლიური ღირებულება — 400 ლარი. იჯარის ვადა 2 წელი.
 - დ) 10 კვ.მ ფართის იჯარის გაცემაზე. მიზანი სასკოლო ბუფეტის ფუნქციონირება. ფართის წლიური ღირებულება 100 ლარი. იჯარის ვადა 2013 წლის 1 ივლისამდე.
- პირობები: ბიჯი-ქირის 5%.
სანიტარულ-ჰიგიენური, სახანძრო უსაფრთხოების ნორმების დაცვა, მიზნის შესაბამისი საქმიანობის წარმოება. იჯარით არსებული ქონების გაფრთხილება. გადახდის ანგარიშსწორება ხელშეკრულებით გათვალისწინებულ ვადაში.
პირობითი აუქციონში მონაწილეობის მსურველებმა უნდა წარმოადგინონ:
1. განცხადება აუქციონში მონაწილეობის შესახებ.
 2. „პ“ წლიური გადასახადის — 10%
 3. მონაწილეობის ბილეთის გადახდის დამადასტურებელი მონუმბის ასლი
 4. ნოტარიულად დამოწმებული მინდობილობა თუ მყიდველი მოქმედებს სხვა სახელით.
- აუქციონში მონაწილეობის უფლება აქვს საქართველოს ყველა მოქალაქეს, ან უცხო ქვეყნის იურდიულ და ფიზიკურ პირს. განცხადება მიიღება გამოცხადებდან 30 კალენდარული დღის განმავლობაში, შაბათ-კვირის გარდა. პირობითი აუქციონი ჩატარდება 30-ე კალენდარულ დღეს. განცხადების მიღება იწარმოებს მისამართზე: არხილოსკალოს საჯარო სკოლა.
ტელ: 577 24 30 22, 593 68 80 02

ამინდი

დედოფლისწყარო

შაბათი 06. 09 დღე ღამე 21 ° 15 °	კვირა 07. 09 დღე ღამე 19 ° 15 °	ორშაბათი 08. 10 დღე ღამე 18 ° 16 °	სამშაბათი 09. 10 დღე ღამე 19 ° 15 °	ოთხშაბათი 10. 10 დღე ღამე 18 ° 14 °	ხუთშაბათი 11. 10 დღე ღამე 15 ° 14 °	პარასკევი 12. 10 დღე ღამე 14 ° 12 °
--	---	--	---	---	---	---

გამომცემელი შპს „შირაქი“ დირექტორი ინგა შიოლაშვილი	სარედაქციო კოლეგია: ლალი მხერტიანი, ილია მარტყოფიშვილი (კორესპონდენტები); მინაილ მღვინეიშვილი (სტილისტ-მწერელი); ნათელა მოსხაველი (ბუღალტერი); ნინო ჯანაშვილი (ფინანს-მწერელი); მზინა ქანჭავაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).	რედაქციის მისამართი: ქ. დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
---	--	---	---